

摘藻堂四庫全書薈要

子部

欽定四庫全書薈要

子部

御定淵鑑類函卷九十一



詳校官兵部主事臣雷純

欽定四庫全書薈要卷一萬一千五百三十九

子部

御定淵鑑類函卷九十一

設官部三十一

太史令 太祝令 太樂令
提督四夷館 宗正卿

少卿附

宗正官屬

太史令一

原杜氏通典曰太史局令昔少皞以鳥名官其鳳鳥氏為歷正至顓頊命南正重以司天北正黎以司地唐虞之際羲氏和氏紹重黎之後代序天地夏有太史終古



者當桀之暴知其將亡乃執其圖法而泣之奔於殷殷
太史高勢見紂之亂載其圖法出奔於周周官太史掌
建邦之六典正歲年以序事頒告朔於邦國

魯昭公二年晉韓宣

子聘魯觀書於太史氏見易象
與魯春秋曰周禮盡在魯矣

又有馮

音憑下同

相氏視天

文之次序保章氏掌天文之變當周宣王時太史官失
其守而為司馬氏司馬氏世典周史惠襄之間司馬氏

適晉

周惠王襄王有子頽叔
帶之難故司馬氏奔晉

晉中軍隨會奔秦而司馬

氏入梁秦為太史令

胡毋敬之為太史
令作博學章句

漢武置太史公

以司馬談為之位
在丞相上
天下計書
先上太史副上
丞相談卒
其子遷嗣之
遷死後宣帝以其官為令行太
史公文書而已

瓚曰百官表無太史公茂陵中書司馬談以太史丞為太史令也張壽王亦為

太史令
後漢太史令掌天時星歷
凡歲將終奏新年歷凡

國祭祀喪娶之事掌奏良日及時節禁忌國有瑞應災

異則掌記之

獻帝時太史令王立曰前太白守天關與熒惑會金火交會革命之象漢祚終矣晉

魏必有興者後數言於帝曰天命有去就五行不常盛
伏火者土承漢者魏能安天下者曹姓唯委任曹氏而
已曹公聞之使人語立曰知公忠於朝廷天道深遠幸勿多言
秦漢以來太史之任蓋

并周之太史馮相保章三職自漢晉宋齊並屬太常銅
印墨綬進賢一梁冠絳朝服梁陳亦同後魏北齊皆如
晉宋隋曰太史曹置令丞各二人而屬祕書省煬帝又
改曹為監有令唐初改監為局置令龍朔二年改太史
局為祕書閣改令為郎中

丞為祕書閣郎

咸亨初復舊初屬祕

書省久視元年改為渾天監不隸麟臺改令為監置一
人其年又改為渾儀監長安二年復為太史局又隸麟
臺其監復為太史局令置二人景龍二年復改局為監

而令名不易不隸祕書開元二年復改令為監改一員
為少監十四年復為太史局置令二人復隸祕書後又
改局為監乾元元年又改其局為司天臺掌天文歷數
風雲氣色有異則密封以奏其次小更有司
歷保章正靈臺郎挈
壺正等官各有差增文獻通考曰宋有司天監天

文院鐘鼓院元豐正官制以太史局隸祕書省掌測驗
天文考定歷法凡日月星辰風雲氣候祥青之事日具
所占以聞歲頒歷於天下則預造進呈祭祀冠婚及典
禮則選所用日其官有令有正有春官夏官中官秋官

冬官正有丞有直長有靈臺郎有保章正其判局及同判則選五官正以上業優考深者充保章正五年直長至令十年一選為靈臺郎試中乃遷而挈壺正無遷法其別有天文院測驗渾儀刻漏所掌渾儀臺晝夜測驗辰象鐘鼓院掌文德殿鐘鼓樓刻漏進牌之事印厯所掌雕印厯書續文獻通考曰遼南面司天監有太史令其下曰司厯曰靈臺郎曰挈壺正曰五官正曰五官丞曰五官主簿曰五官靈臺郎曰保章正曰司厯監候

曰司晨刻漏博士曰典鐘曰典鼓金司天臺隸祕書監
掌天文歷數風雲氣色密以奏聞少監判官教授司天
管勾長行人五十人天文科女直漢人各六人算律科
八人三式科四人測驗科八人漏刻科二十五人

銅儀
法物

舊在法物庫貞元
二年始付本臺

元初因金人舊制立司天臺設官屬

至元八年以上都承應闕官增置行司天監十五年別

置太史院

掌天文歷
數之事

與臺並立頒歷之政歸院學校之

設隸臺後改臺為監置司天監三人掌凡歷象之事少

監五人丞四人知事一人通事兼知印一人官屬有提
舉二人教授二人學正二人天文科算歷科三式科測
驗科漏刻科管勾各二人陰陽管勾一人押宿官二人

司辰官八人天文生七十五人回回司天監初元世祖
在潛邸有旨徵回回為星學官以其藝進未有官署至

元十二年春用王恂薦以許衡領太史院事

初承用金
大明歷歲

久寢疎欲釐正之乃命王恂及楊恭懿郭守敬測驗改
正而以張文謙張易董之恂言歷家知歷數不知歷理
宜得許衡總之遂
命衡領太史院事
十六年二月太史令王恂請建司天

臺於大都儀象圭表皆銅為之增銅表至四十尺測影
長而真又請上都洛陽等五處分置儀表各選監候官
從之同勅郭守敬由上都抵南海測影具訪通天文歷
數者明初置欽天監正五品初名太史令通判僉判校
事郎五官正劉基為太史令兼太子率更令後改為院
設院使同知院判五官正典簿雨暘司時序郎紀候郎
基又為院使洪武九年改為司天監設監令少監監丞
主簿主事五官正副監候司晨漏刻博士

吾學編曰楊源弘治間任

五官監候正德元年七月源上疏言占候得大角及心中星動搖天璇天璣天權星不明乞安居深宮絕遠游獵疏下禮部部言源占候之言深切時弊源復疏言十月二十六日占候得連日靈霧交作為衆邪之氣陰冒於陽臣欺於君小人擅權為下畔上引譬甚力劉瑾怒矯旨杖三十源又疏言一向占候得火星入太微垣帝座前或東或西往來不一乞思患預防瑾又大怒罵源爾何官亦學為忠臣乎矯旨又杖三十謫戍肅州行至懷慶卒

又置回回司天監設監令少監監丞三年始改欽

天監四年改監令為正儀大夫少監分朔大夫五官正司元大夫監丞靈臺郎五官保章正平秩郎五官靈臺郎司正郎挈壺正挈壺郎諸散官十四年再定品員散

官給授如文官二十二年改監令監丞為監正監副三十一年革回回監回回歷法隸於欽天監監置監正一人監副二人其屬主簿一人春夏中秋冬官正各一人五官靈臺郎四人五官保章正二人五官挈壺正一人五官監候二人五官司歷二人五官司辰二人漏刻博士二人吏四人監正掌察天文定歷數監副為之貳凡日月星辰風雲氣色之變異率其屬而占候焉密疏上凡玄象圖書非其職不得預凡習業者分為四科曰天

文曰漏刻曰回回曰厯自五官正下至天文生陰陽人各專科肄焉凡觀象登臺臺四面面四人凡歲大統厯御覽月令厯七政躔度厯六壬遁甲厯並先期奏行下凡厯註上厯三十事民厯三十二事壬遁厯六十七事凡歲祭日先一歲會選奏上凡營建師旅冠婚陵寢選地擇日凡立春先期候氣於東郊凡大朝賀設定時鼓於文樓報時雞唱擊鼓各共其事凡四季天象占驗厯御覽天象錄以時奏上凡疇人世業立師而教之乏人

移禮部訪取試用之五官正專理歷法造歷司歷監候
佐之靈臺郎辨日月星辰之躔次分野以占候天文之
變凡瑞星妖星瑞氣妖氣考諸雜占保章正專志天文
之變辨其吉凶之占挈壺正知漏刻孔壺為漏浮箭為
刻以考中星昏明之候漏刻博士定時更時報更警晨
昏皆鐘鼓司佐之原杜氏通典曰丞二人司馬彪續
漢志曰太史有丞一人魏以下歷代皆同隋置二人煬
帝減一人唐初不置丞久視初改為渾儀監始置丞二

人長安二年又省景龍二年復置初儀鳳四年五月太常博士檢校太史姚元辨奏於陽城測影臺依古法立八尺表夏至日中測影有尺五寸正與古法同調露元年十一月於陽城周天測影得長二尺七寸開元十二年四月命太史監南宮說及太史官太相元太等馳傳往安南朗蔡尉等州測候日影迴日奏聞數年伺候及還京僧一行一時校之安南北極高二十一度六分冬至日影七尺九寸四分春秋二分影二尺九寸三分夏至日影七尺九寸四分春秋二分影二尺九寸三分夏

至影在表南三寸三分

測影使者太相元太云交州望極纔出地三十餘度以八月自

海中南望老人星殊高老人星下衆星衆甚圖所不載莫辨其名大率去南極二十度以上其星皆見乃自古渾天家以為蔚州橫野軍北極高四十度冬至影丈五尺八寸九分春秋二分影六尺六寸二分夏至影在表北二尺二寸九分此二所為中土南北

之極其朗襄蔡許河南府汴滑太原等州各有使往並差不同一行以南北日影校量用勾股法算之云大約南北極相去纔八萬餘里其諸州測影尺寸如左林邑

國北極高十七度

冬至影在表北六寸九分定春秋分影在表北二尺六寸五分夏至影在

表南五寸七分

安南都護府北極高二十一度六分

冬至影在表北七尺

九寸四分定春秋分影在表北二尺九寸三分夏至影在表南三寸三分

朗州武陵北極高

二十九度五分

冬至影在表北丈五寸三分定春秋分影在表北四尺四寸七分夏至影在表

北七寸七分

襄州

恒春分影在表北四尺四寸

蔡州武津館北極高三十

三度八分

冬至影在表北丈二尺三寸八分春秋分影在表北五尺二寸八分夏至影在表北一尺三

寸六分

許州扶溝北極高三十四度三分

冬至影在表北丈二尺五寸三

分定春秋分影在表北五尺三寸七分夏至影在表北尺四寸四分

河南府告成北極高

三十四度七分

冬至影在表北丈三尺七寸一分定春秋分影在表北五尺四寸五分夏至影

在表北尺四寸九分

汴州浚儀太嶽臺北極高三十四度八分

冬至

影在表北丈二尺八寸五分定春秋分影在表北五尺五寸三分

滑州白馬

北極高三十五度三分

冬至影在表北丈三尺定春秋分影在表北五尺五寸六分夏

至影在表北尺五寸七分

太原府

恒春分影在表北六尺

增續會要曰宋司

天監有丞元豐官制行置太史局丞

遼金元明並有

之

詳前

太史令二

原底日

司天

日官居卿以底日禮也注位如卿而不
在六卿之數故曰居卿底致也平致也

高陽命南
正重司天

增日觀

天工

建康志曰宋有日觀即
司天臺也下見後

齊七政

敘三辰

書曰在璿璣玉衡以
齊七政下詳後

頒正朔

作渾儀

周禮曰太史頒正朔於郡國山堂肆考曰漢
張衡作渾天儀又宋太平興國四年司天監生

張思訓本唐李淳風梁令瓚之法創式以獻製於禁中
日月行度成於自然不假人運命置文明殿東南鼓樓

擢思訓為

分八節

探五行

漢書律歷志炎帝分八
節以治農功軒帝紀三

渾儀丞

綱而闡書契乃使羲和占日常儀占月史區占星氣伶
倫造律呂大撓造甲子隸首作算數容成綜斯六術考
定象述而著焉謂之調歷又曰探五行之精占斗魁
所建始作甲乙以名日謂之干作子丑以名月謂之支

支干相配
以成六旬

和入道

考天時

漢書律歷志曰治歷明時所以和入道也

晉

書律歷志曰後秦姚興曰治歷之法必審日月之行然後可以上考天時下察地化一失其本則四時變移

候星辰 增甲子

山堂肆考曰東漢太史下別有靈臺丞掌候日月星辰又曰宋至

道二年司天冬官正楊文謚上言請於新歷甲子外更增六十年事下有司判司天臺苗守信等議以為原無所依據不可行上曰支干旺相雖止於六十年僅兩周甲子共成上壽之數使期頤之人得見所生之歲不亦善乎因詔有司新歷以一百二十甲子為限

原掌日之官

書雲之史

掌邦六典 授歲四時

二十四氣

三百六旬

人

代天工 史分日月

行夏之時

從周之典

以上俱白帖

增司分簡日授歷知天

海錄碎事 宋廣平集曰
玉律調元 璿璣授歷 思舉

日觀之職用
知天道之玄

編考歷書 奏進儀表

元列傳曰王恂
世祖時與許衡

及楊恭懿等編考歷四十餘家晝夜測驗創立新法參以古制推算極為精密授太史令歷成賜名授時歷頒行天下 又曰郭守敬言歷之本在於測驗而測驗之器莫先儀表今司天渾儀宋皇祐中汴京所造不與此處天度相符表石年深亦復敬側乃盡考其失而移置之時改局為太史院以守敬同知太史院事守敬奏進儀表式當帝前指陳理致至於日昃帝不為倦

能知象緯 精于占候

吾學
編曰

明初太史院使劉基上戊申大統歷上初在滁陽問李善長長漢有三傑佐平天下今徐達可方韓信公可兼張良蕭何乎對曰良智計絕人臣何敢望若轉給兵食或可勉效何耳上因問今世之士孰可擬良者對曰臣聞

浙東宋濂能知象緯上曰以吾所聞不如青田劉基上
定括蒼孫炎以上命聘基詣金陵時時占乾象佐行軍
輒效以為太史令尋改太史院使又曰洪武時重天
官之學稍通歷象占步風角者咸得衣食於官劉伯完
精於占候又諳回回歷法
起疇人歷官欽天監副

原單颶占黃龍 蔡衡辯

大鳥

後漢單颶遷太史令初熹平末黃龍見譙橋玄問
颶此何祥也颶曰其國當有王者興不及五十年

龍當復見此其應也魏郡人殷登密記之至建安二十
五年春黃龍復見譙其冬魏受禪 三輔決錄云辛繕
降大鳥太史蔡衡曰
五色多青者鸞也

齊七政於銅渾 視四時於玉

律 日月星辰乾象不忒 分至啟閉歲功有成 當

同文之朝思稟正朔 奉太史之職宜察天時

白帖

增

丞陵宮之職

局事之貳

胡文恭行馬知良制
事類曰宋太史令總一局之

合璧

事而丞
為之貳

太史令三

原日官

傳天子有日官諸侯
有日御日官太史也

察時變

易曰觀乎天
文以察時變

協時月

書曰協時
月正日

宿離不貸

月令曰孟春命太史司
天歷候日月星辰宿離

不貸無失經紀以初為常注歷推策也候占候也宿二
十八宿也離猶歷也七曜為經二十八宿為紀初謂孟

春歲
首也

邦國之治

周禮曰太史掌建邦之六典以逆邦
國之治掌法以逆官府之治掌則以

逆都鄙
之治

班告朔

周禮春官職曰班告朔於諸侯諸侯藏之祖
注曰天子頒朔於諸侯諸侯藏之祖

廟至朔朝於廟告而受行之

右史朔望以聞

周書曰維正月王在成周昧爽召三公左

史戎夫曰今夕朕寤遂事驚予乃取

太常屬官太史

令漢書百官公卿表曰太常屬官有太史令一人

冠一梁冠秩六百石

漢官儀曰

太史令秩六百石冠一梁丞二人三百石

青史記事

漢書藝文志曰青史子五十七篇注曰古

史官記事也

太史之任

賈誼新書曰不知先王之諱與國之忌不知風雨雷霆之眚此太史

之任也

胡毋作博學章

漢書藝文志曰博學七章者太史令胡毋敬所作也

璇

璣之正

白帖曰張衡妙盡璇璣之正作渾天儀以漏水轉之於室內與天相應若符合

鳳凰

之正

鳳凰知天時故以名歷政之官

掌天時

後漢書百官志曰太史令掌天時星歷周禮太

史職云正歲年以序事頒之於官府及都鄙鄭注云中數曰歲朔數曰年中數大小不齊正之以閏若今時作歷日矣定四時以次序授民時之事

作渾天儀

後漢書張衡傳曰衡遷為太史令乃研覈陰陽

妙盡璇璣之正作渾天儀鑄銅為之著靈憲算罔論言甚詳明

造地動儀

又曰衡復造候風地

動儀如有地動乃知震之所在驗之以事合契若神

張衡留意天文

文士傳曰張衡有功

藝事特留意天文由是遷太史令也

張壽非漢歷

蔡邕集議曰太史令張壽王挾甲寅元非

漢歷也

許芝陳天命

諸葛亮集曰太史令許芝謁者僕射諸葛璋有書與亮陳天命人事

欲使舉國稱藩亮遂不報

惟知占候

史通曰自古太史之職惟以著述為宗而兼掌歷象日月

陰陽氣數司馬遷既沒續史記者褚先生馮商揚雄之徒並以別職知史務於是太史之署非復記言之司故

張衡高堂隆等其當官見稱者惟知占候而已

遠不度古近不儀今

魏志高堂隆為

侍中猶領太史令隆集上事曰太史許芝遠不度於古近不儀於今每祭與吏爭肉自取百觔猶恨其少也

後代所宗

晉書曰高陽命南正帝嚳亦式序三辰唐虞則羲和夏則昆吾殷則巫咸周則史佚

魯梓慎宋子韋齊甘德鄭裨竈魏石申其巫咸甘石之說後代所宗

增冠應五緯

唐志曰五

官正冠如一珠星以應五緯衣從其方色元日冬至朔望朝會及大禮各奏方事而服以朝見

職配

五方

續通典曰唐乾元二年知司天臺韓穎奏創置五官職配五方上稽五緯

太史據法

韓詩外傳曰據法守職而人不敢非者太史也

專報時候

續文獻通考曰明欽天監事例凡推

算日月交食本監先期備開分秒時刻并起復方位具奏禮部通行內外諸司臨時救護至救護時本監官專

報時候不
隨班行禮

白本占奏

明欽天監事例凡天文如日月星辰風雲霧本監各委官生

晝夜占候或有變異
舊例自具白本占奏

永遠不遷

又曰洪武六年令本監人員永遠不許遷

動子孫只習學天文歷算不許習
他業其不習學者發海南充軍

晷影堂

又曰凡本監觀星有

盤洪武十七年造又渾天璇璣玉衡簡儀俱正統四年
造十一年奏準簡儀修刻黃道等度圭表壺漏俱如南

京舊制又造晷影
堂以便窺測調品

通象緯及風雲氣候

吾學編曰胡儼字若思南

昌人永樂即位擇翰林官吏部薦儼帝曰儼曉天文宜
令欽天監試送翰林供事欽天監言儼果通象緯及風

雲氣

簡儀銅壺

續文獻通考曰景泰
六年又造簡儀銅壺

歷附增太初

歷

漢書曰漢武帝太初元年中大夫公孫卿壺遂太
史令司馬遷言歷紀壞廢宜改正朔倪寬議宜用夏

正乃詔造漢太初
曆以正月為歲首

四分曆

又曰漢武帝太初元年作
太初曆施行百餘年考其

行度日有退無進月有進無退光武建武八年朱浮言
曆不正宜更改至章帝元和元年上命官綜校四分曆

施行

三統曆

又曰漢孝成之世劉向總六曆
作五紀論子歆作三統曆及譜

景初

曆

晉志曰魏明帝景初元年楊偉作景初曆帝遂改正
朔以建丑為正蓋其年三月為立夏孟仲季雖與夏

正不同至於郊祀蒐狩班宣時令皆以建
寅為正至晉武帝泰始元年改名泰始曆

乾象曆
晉律

曆志漢靈帝時劉洪考史書自古迄今曆法始悟四分
曆於天疎闊斗分太多更以五百八十九為紀法百四

十五為斗分作乾象法冬至日
日在斗二十五度名曰乾象曆

黃初曆

晉志曰魏文
帝黃初中高

堂隆詳議曆數當有改革韓翊以為乾象曆減斗分太
過其後陳羣以為翊所建猶恐未審乃以乾象曆互相

錯校更撰歷
曰黃初歷

皇極歷

隋志開皇二年袁充奏日長影短高祖以歷付皇太子遣更精

詳日長之候太子召歷算咸集劉焯以太子新立增修其書名曰皇極歷

麟德歷

唐書曰唐高宗

麟德中李淳風以戊寅歷推步浸疎乃增損劉焯皇極歷更撰麟德歷行之

大衍歷

又曰唐玄

宗開元九年詔僧一行作新歷名開元大衍歷自太初至麟德歷有二十三家與天雖不遠而未密至一行密矣其倚數立法固無易也後

至德歷

又曰唐肅宗時山人韓穎上言

大衍歷或誤帝以穎直司天臺又損益其術更名至德歷寶應元年六月日蝕三之一代宗以至德歷不與天

合詔復用麟德歷

五紀歷

又曰唐代宗廣德二年五月初行五紀歷

宣明歷

又曰

唐憲宗即位司天徐昂上新歷名曰觀象至穆宗改撰名曰宣明歷

千歲歷

又曰唐王勃精於推

步歷算常
作千歲歷

崇元歷

又曰唐昭宗時宣明歷數漸差詔邊岡胡秀林等改作新歷賜名崇

元

授時歷

元王恂作詳令二

大統歷

續通考鈔曰明欽天監事例凡歲造大統

歷先期二月初一日進呈來歲歷樣然後刊造一十五本送禮部差人齎至南京并各布政司照樣刊印

太史令四

增詩唐李山甫司天台詩曰拂雲朱檻捧昭回靜對銅
渾水鏡開太史只知頻奏瑞蒼生無計可防災景公進
德星曾退漢帝推誠日為迴何事曠官全不語好天良
月鎖雲臺

增論宋唐庚辯陳壽蜀不置史官論曰春秋之時卜田宅者占雲日者皆稱太史則太史殆陰陽家者流然書趙盾書崔杼者亦稱太史則太史又似掌記注者蓋方是時學者多知天文而卜興廢者亦不純用著龜太史伯以祝融之功而推楚國之必興太史趙以虞舜之德而占陳氏之未亡其議論證據有絕人者故陰陽注記得兼掌之漢司馬談父子為太史令以論著為己任而又掌天官則兼掌之效於茲可見魏晉之際始置著作

郎自是太史分而為二孔明之時尚未分也然觀後主
景耀元年史官奏景星見於是大赦改元而曰蜀不置
史官妄矣

太祝令一

原杜氏通典曰太祝殷官與太宰等官為六太周官太
祝下大夫三人上士四人掌六祝之辭以祈福祥秦漢
有太祝令丞後漢亦曰太祝令丞晉宋齊梁陳後魏北
齊皆因之後周依周官至隋置太祝署太祝令丞煬帝

罷署太祝八人唐初有七人後增為九人開元二十三

年減置三人掌讀祝文出納神主 增文獻通考曰宋

太祝奉禮郎掌奏祭祀闕則承奏廕京官十六歲以上

未掌事者充郊社掌坐齋郎無員數

富鄭公之父貧甚客呂文穆門下一

日白公曰某兒子十許歲欲令入書院事廷評太祝李文靖公為相治第陋甚或以為言公曰居第當傳子孫此為宰相廳事誠陋為太祝奉禮廳事已寬矣蓋三官皆宰相子弟初廕之官也

續文獻通

考曰遼太常寺主簿下有太祝金太祝掌奉祀神主元

太祝十員明太祝職專祭祀之事

太祝令二

原太常屬官有諸廟令

漢書百官公卿表曰太常屬官有諸廟令有諸陵太乙令樂令

景帝改為祠祀令

又曰太祝令景帝更名為祠祀令武帝更曰廟祀令

明帝

改曰太序令

續漢書百官志曰明帝永平十三年曹褒奏尚書璇璣鈴曰有帝漢出德洽作樂名

太序帝善之下詔曰今且改太樂官曰太序丞以應圖讖

掌陵園

又曰太廟令一人秩六百石守

廟掌陵園案

掌祝辭

周禮曰太祝掌六祝以事鬼神祈福祥求永貞一曰順祝二曰

行埽除無丞

年祝三曰吉祝四曰化祝五曰瑞祝六曰筴祝鄭注曰永長也貞正也求多福歷年得正命也鄭司農云順祝

順豐年也年祝求永貞也吉祝祈福祥也化祝弭兵也瑞祝逆時雨寧風旱也筴祝遠罪戾也

掌讀

祝

續漢書百官志曰太祝令一人秩六百石掌祭祀讀祝及迎送神

增好學溫良

文事

類聚曰陰猛好學溫良稱於儒林以郎遷太祝令

太樂令一

原杜氏通典曰大樂署周官有大司樂掌成均之法亦

謂之樂尹以樂舞教國子

左傳曰楚鍾建為樂尹即大司樂也

秦漢奉常

屬官有太樂令及丞又少府屬官并有樂府令丞後漢

永平三年改太樂為太子樂令掌伎樂人凡國祭享掌

諸奏樂

盧植禮注云太樂令如古大胥漢大樂律卑者之子不得舞宗廟之酎除吏二千石到六百石

及關內侯到五大夫子取適子高五尺以上年十二到三十顏色和順身體循禮者以為舞人也 魏復

曰太樂令丞晉亦有之

晉起居注曰成帝咸和中詔太樂令戴綬教習伎樂勤勞賜米

百斛布三十疋 齊銅印墨綬進賢一梁冠絳朝服

齊太樂及諸陵令永明末

置用二品三品勲置主簿戶曹六品保舉 梁陳因之後魏置太樂博士北齊

曰太樂令丞後周有大司樂掌成均之法後改為樂部

有上士中士隋有太樂令丞各一人唐因之掌習音樂

樂人簿籍 增文獻通考曰宋制太樂局令一人丞一

人樂正二人副使正二人掌車駕郊祀及御殿御樓大

祠登歌徽宗時置大晟府以大司樂為長典樂為貳次
曰太樂令主簿協律郎又有按協聲律製撰文字韻譜
等官以京朝官選人或白衣士人通音律者為之宣和
二年詔以大晟府近歲添置冗濫徽幸並罷 續文獻
通考曰遼太樂署有令丞金太樂署兼鼓吹署樂工百
人令丞掌調和律品教習音聲并施用之法樂工部籍
直長一員太樂正掌祠祀及行禮陳設樂縣大樂副正
從九品元大樂署中統五年始置令一員丞一員掌管

禮生樂工四百七十九戶明初太常有司樂職專祭祀之事洪武十二年置神樂觀詳卿

太樂令二

原序神人

典倡優

揚雄太樂令箴曰笙磬既同鐘鼓羽籥周序神人協於萬國桓譚

新論曰昔孝成帝時余為樂府令凡所典倡優伎樂蓋且千人

增應圖識

正雅樂

上見太祝令二 事文類聚曰魏黃初中以杜夔為太樂令使正雅樂時散騎侍郎鄧靜善詠雅樂歌樂師尹相能習宗祀之典舞師馮肅曉知前代諸舞夔與創定遷協律都尉

太樂令三

增徐筠周官考太樂令注曰按周官大司樂中大夫二人而屬於禮官之宗伯古者取士必由乎學其教之也必先乎樂大司樂學官也掌成均之學政樂非但鐘鼓而教亦必非佔畢之謂而已自漢已後射策決科之學勝博士弟子員徒以區區之文為黜陟之令雖同領屬於禮官之太常而大司樂不復與聞學政專治樂事所謂樂德樂語非復先王之舊矣

提督四夷館

增續文獻通考曰明設翰林院提督四夷館內有各國

通事少卿一員主之

燕都遊覽志曰四夷館永樂五年始設命禮部選監生蔣禮等三十

八人隸翰林院習譯書

宗正卿一

原杜氏通典曰周官少宗伯掌三族之別以辨其親疎
秦置宗正掌親屬漢因之更以敘九族平帝元始四年
更名宗伯五年又於郡國置宗師以紂皇室親族世氏
致教訓焉選有德義者為之有冤失職者宗師得因郵

亭上書宗伯請以聞

為書付郵亭令送至宗伯

常以正月賜宗伯帛

十匹王莽并宗伯於秩宗後漢曰宗正卿一人掌序錄

王國嫡庶之次及諸皇室親屬遠近郡國歲因計上皇

族名籍若有犯法當髡以上先上諸宗正宗正以聞乃

報決

胡廣曰宗正又歲一理諸王世譜差敘秩第髡口昆切

兩漢皆以皇族為之

不以他族魏亦然晉兼以庶姓

山公啓事曰羊祜忠篤寬厚然不長理劇宗正

卿缺不審可轉作否

咸寧三年又置宗師以扶風王亮為之使皇

室戚屬奉率德義所有施行必令誥之

梁王彤亦為宗師

東晉

省之屬太常

桓溫奏省

宋齊不置宗正梁天監七年復置之

視列曹尚書主皇室外戚之籍以皇族為之陳因之後

魏有宗正卿少卿北齊亦然後周有宗師中大夫

掌皇族定

世系辨昭穆訓以孝悌

屬大冢宰隋如北齊之制唐龍朔二年改

為司宗咸亨元年復舊光宅元年改為司屬神龍初復

舊卿一人少卿二人

初少卿一人太極元年加一人

掌皇族外戚簿籍

及邑司名帳領崇玄署及諸陵太廟開元二十五年制

宗正等寺官屬皆以皇族為之

初學記曰案宗正卿

周官也宋百官春秋云周受命封建宗盟封兄弟之國

一十有五同姓之國三十有五始選其宗中之長而董

正之謂之宗正成王時彤伯入為宗正掌王親屬是也

秦漢因之晉曰大宗正

漢魏皆同姓為之晉以後雜用庶姓為之

五代史百

官志曰至梁加卿字除大字曰宗正卿北齊又加大字

隋又除之唐初因之

增文獻通考曰宋宗正寺判寺

事二人以宗姓兩制以上充闕則以宗姓朝官以上知

丞事掌奉宗廟諸陵薦享之事司皇族之籍大宗正同

知司事二人以皇親團練觀察使以上充掌敦睦皇族
教導宗子受其陳請辨訟之事及糾過失而達之朝廷
景祐三年始置司以皇兄寧江軍節度使濮王知大宗
正事皇姪彰化軍節度觀察留後守節同知大宗正事

修玉牒官無定員掌修皇帝玉牒序宗派紀族屬歲撰

宗子名以進

舊隸宗正寺景祐中言者以玉牒與國史相通後以史官兼

又有睦親

廣親宅都大管勾三人以內侍充元豐六年詔宗正寺
長貳不專用國姓蓋自有太宗正司以統皇族也中興
後卿一人不常置少卿一人以太常兼嘉定九年詔以

宗學改隸宗正寺自此寺官又預考校之事

大宗正司中興後以

位高屬尊者為判大宗正寺又置知大宗正丞一員掌糾合宗室而檢防之訓飭之凡宗室磨勘遷轉襲封請給核其當否嫁娶房奩分析財產酌厚薄多寡而訂其議凡宗室除合該賜名外皆大宗正定名而後報宗正寺其餘遷授官資支給錢米考核以詔予奪其不率教者以法拘之歲久知悔則除其過名玉牒所

淳化六年始設局置官倣唐制也

朱勝非秀水閒居錄宋朝國書嚴奉寶藏

未有如玉牒者用金花紅羅標黃金軸至神廟以軸大難於披閱詔為黃金梵夾又以黃金為匣鎖鑰皆金也進呈畢安奉於宗正寺玉牒殿續文獻通考曰遼北面大特哩衮司太

祖神策二年置掌皇族之政教官名曰特哩衮

又名梯里已曰

知特哩衮司事曰特哩衮都監興宗重熙二十二年耶律義先拜特哩衮戒族人曰國家三

父房最為貴族天下風化所自出不孝不義雖小不可為其妻晉國長公主之女每見中表必具禮服義以身率先國族化之南面宗正寺職在大特哩衮司金大宗正府避睿

宗諱改為大睦親府判大宗正事一員以皇族中屬親者充掌敦睦糾率宗屬欽奉王命焉同判大宗正事一

員同簽大宗正事一員大宗正丞二員知事一員元大

宗正府初未有官制首置斷事官會決庶務至元二年

置十員止理蒙古公事皇慶元年以漢人刑名歸刑部

按世祖至元二十二年哈喇哈遜由掌宿衛拜大宗正用法平允時欲以江南獄隸宗正哈喇哈孫曰江南新附教令未孚且相去數千里欲遙制其刑獄得無冤乎事遂止

明太祖改大宗正院為

宗人府遂定官制府設令一人

正一品

左右宗正左右宗

人俱各一人

從一品

其屬經歷一人是年秦王為宗人令

晉王燕王為左右宗正周王楚王為左右宗人故至今

署府者不由中門後以勲戚大臣攝府事不備官會典

云本府所領宗室重事故品秩特序文職之首

按孫清宗人府

題名記云太祖建宗人府以主睦宗親族之事制以親王之長領府事其次則宗人令左右宗正左右宗人皆

正一品以勲舊大臣佐之玉牒派演金枝廣疎立嫡請
名章奏文移必關歷而後行焉故宗人府列諸司之首
載在祖訓及大
明官制甚詳正統三年始建府治
以駙馬都尉西寧侯宋瑋掌之遂

為定制宗人令掌皇九族六親之屬籍以時修其玉牒
書宗室子女適庶名封生卒婚嫁謚葬凡宗室陳請為
之上達及定其才能罪過以聞左右宗正宗人為之貳
經歷典出納文移

宗正卿二

增冊府元龜曰漢劉辟疆楚元王之孫休侯富之子清

淨少欲常以書自娛不肯仕昭帝即位霍光擇宗室子
可用者辟疆子德待詔丞相府年二十餘欲用之或言
父見在亦先帝之所寵也遂拜光祿大夫守長樂衛尉
時年已八十徙為宗正 天中記曰劉般字伯興建初
初遷宗正在位數言政事其收恤九族行義尤著時人
稱之 冊府元龜曰劉虞為尚書令光祿勳以公族有
禮更為宗正 又曰劉孟桓帝時為宗正直道不容自
免歸家 又曰晉扶風王亮為衛將軍武帝詔曰宗室

戚屬國之枝葉欲令奉率德義為天下式然處富貴而能慎行者寡名穆公糾合兄弟而賦棠棣之詩此姬氏所以本支百世也亮為宗師所當施行皆咨之於師時宗室殷盛無相統攝乃以亮為宗師使訓道規察有不遵禮法小者正以義方大者隨事聞奏 又曰陳南康愍王曇朗子方慶少清警涉獵書傳及長有幹略天嘉中權兼宗正卿 又曰封琳為司宗下大夫有長者之稱 山堂肆考曰後魏世祖謂崔浩曰天下諸杜何處

為最欲取一人以為宗正浩曰中書博士杜銓今為諸
杜之最即命名之及見器貌瓌雅世祖謂浩曰此真吾
所欲也拜為宗正 冊府元龜曰唐高祖武德元年詔
安康郡公襲譽我之同姓派別支分惟厥祖考世敦恭
睦特聽合譜宗正恩禮之義同諸服屬 又曰高宗永
徽二年召宗正卿李博文問曰比問諸親何以得有除
屬者對曰以屬疎降盡故除總三百餘人帝曰朕追遠
之感實切於懷諸親服屬雖疎理不可降並宜依舊編

入屬籍 又曰唐宗室司訓棄官中宗即位以耆舊擢
為宗正卿 又曰睿宗景雲二年以祕書監薛王隆業
為宗正卿 又曰玄宗二十年七月七日詔宗正寺官
員以宗子為之 又曰濮陽郡王徽為宗正卿頗承恩
奏請宗正奉陵廟 天中記曰宗室李璆天寶初拜宗
正卿性友悌聰敏宗子有一善無不薦延 冊府元龜
曰代宗永泰二年宗正卿吳王祗奏上皇室永嘉新譜
二十卷太常博士柳房撰也房精於譜學按宗正譜牒

自武德以來宗支昭穆相承撰皇室譜二十卷 又曰

穆宗長慶元年宗正寺奏準貞元二十一年勅宗子陪

位放五百七十人出身今年勅放三百人伏緣人數至

多不霑恩澤白身之輩將老村閭乞降特恩更放二百

人出身許之 又曰林贊有氏族學開成中勅贊同修

七聖玉牒從宗正寺之請也 又曰梁開平五年宗正

卿朱遜圖譜官朱損之進所撰天潢源派二軸各賜帛

又曰晉石光賛少為儒飽於游宦晉高祖即位自滑

州節度判官擢為宗正卿少時常有占者云子晚歲當
因姓氏為美官果如其言 又曰李郁字文緯唐之宗
屬也少歷宗寺官天成長興中累遷為宗正卿性平允
所歷無愛憎毀譽 又曰虞潭為宗正卿以疾告歸會
王含沈充等攻逼京都潭遂於本縣招合宗人及都中
大姓共起義軍眾以萬數自假明威將軍進赴國難
山堂肆考曰宋趙安仁兼宗正卿真宗以安仁舊德大
僚特令知寺事自是多所規制重修玉牒屬籍 合璧

事類曰宋元豐七年以宗景知大宗正事先是宗景父允弼司宗久故神宗復選而用之使諭其母先正久司宗正德及皇族今命而子繼之又曰趙仲忽入判大宗正事徽宗賜之甲第及建賢懋功之閣以示寵仲忽鯁亮端毅動循禮法立宗司法式又曰淳熙初宗正官缺趙溫叔言崇不息之賢自江西轉運判官名為右監門衛大將軍忠州防禦使知大宗正事不息在宗司數言天下事上甚重之元史列傳曰元多爾濟巴勒遷

大宗正聽訟之際引諭律令曲當事情有同僚年老者
歎曰吾居是官四十年見公論事殆神人也 續文獻
通考曰明永樂初太宗建都北京宗人府為行在命駙
馬都尉永春侯王寧署府事 又曰洪熙宣德間皇親
武定侯郭玪專署事

宗正卿三

原司宗 掌親

上見揚雄箴
下詳卿一

仁孝 忠直

東觀漢記
曰劉平字

公予以仁孝著聞永平三年為宗正數薦達名士承宮
郇恁等 漢書曰劉向字子政元帝時蕭望之周堪薦

向宗室忠直明經有行為宗正

增清秩

冷卿

曲阜集行王柄制宗正地嚴秩清儒者之

職也

鄭氏譚綺宗正曰秩宗又杜甫別李又詩丈人領宗卿蘇軾詩宗正為冷卿

九族

四

星

見揚雄箴職林曰石氏星經宗正四星在帝座東南

考實

糾正

續會要曰政和

二年知西外宗正事士陳奏廢兩京睦宗院宗子有文藝行實衆所共知者許宗正考實以聞慶元制爰俾訓齊往分糾正

畏盛滿

竭忠節

漢書曰劉德字路叔修黃老術有智略少時數言時

事召見甘泉宮武帝謂之千里駒昭帝初為宗正丞後為宗正卿妻死大將軍欲以女妻之德不敢娶畏盛滿也東觀漢記曰劉般字伯興代名忠孝在朝竭忠盡節建初元年拜為宗正憂勤國事夙夜不怠數納嘉謀

屬籍堂

積慶圖

宋會要大中祥符八年九月賜宗正寺殿曰玉牒殿臺曰屬籍堂

宋四朝志曰修纂牒譜圖籍其別有五曰玉牒曰屬籍曰宗藩慶系錄曰仙源類譜曰仙源積慶圖

原

子政之忠

路叔之慎

劉向字子政以至忠為宗室也 下詳竭忠節注

恭

惟天族 掌以月卿

帖白

增忠懿清和

孝友恭恪

山堂

肆考曰後魏職令宗正卿請用忠懿清和職參教典先取皇宗無則用百姓 晉書王覽字玄通孝友恭恪名亞於祥咸寧元年大中大夫詔曰覽少篤至行服仁履義貞素之操掌而彌固其以覽為宗正

各擇

一人 不隸六曹

山堂肆考曰宋仁宗景祐三年時宗室子孫衆多聚居大第故於祖宗後

各擇一人令敦睦之違失則糾正焉 又曰元豐官制行詔大宗正司不隸六曹以宗室團練使以上有德望

者為

以睦周親

實司屬籍

唐陳子昂為李卿官表曰載司宗伯以睦周親

續通典曰宗正

九宗之委

六親之屬

唐孫逖制以副九宗

設官實司屬籍

之委

唐百官志曰宗正卿掌九族六卿之屬籍以別昭穆之敘

動循禮法

曲當

事情

並詳卿二

原當敦睦之代

居糾繩之司

崇象河

之秩

糾磐石之宗

並白帖

增瓊編瑤牒儼帝子之冠

簪

袞衣繡裳本公家之衣鉢

翰苑新書

宗正卿四

少卿

增同姓

詩曰豈無他人不如同姓後魏注曰宗正卿多取同宗

宗臣

宗枝

宗子

詩曰宗子維城

庶子

禮曰庶子之正於公族者教之以孝悌睦友慈愛明父子之義長幼之序古者

庶子之官治而邦國有倫
邦國有倫而衆向方矣

原宗正屬官

漢書百官公卿表曰宗正

秦官掌親屬元始四年屬官有都司空令丞內官長丞又諸公主家令門尉皆屬焉初內官屬少府中屬主爵

後屬宗正

宗正世掌

後漢書曰劉軫字君文梁孝王之後為宗正卒官遂世掌焉

迭

為宗正

楚元王子郢客孫辟疆曾孫德等迭為宗正

始置宗正

魏志曰建安二十

年始置宗正之官

增擇親賢

唐大詔令曰宗族設位邦族是司必擇親賢以光名器

受寄本枝

又曰宜受寄於本枝更遷榮於列棘

委宗正

唐元稹李栻授宗正制曰明皇

而下其屬未遠諸王在閭朕得其寒溫睿宗而上五十餘族長幼秩序盡委之於大宗正苟非能賢不敢輕授

第其賢能

元稹行李從易制曰昔劉氏子孫在屬籍者十餘萬唐有天下二百年伯仲叔季幼

子童孫可勝道哉第其賢能以

以才行聞

元稹行李
次序昭穆皆吾宗寺之職也
進制曰憲

宗法堯睦族深維本支乃詔執事曰伯父叔
季幼子童孫在屬籍者必命卿長以才行聞

整訓屬

族唐杜牧行李文舉制曰取自遠藩擢為宗正大則
提舉羣吏灑埽守奉次則整訓屬族次第昭穆

詳定規式

山堂肆考曰宋治平元年判大宗事趙允弼
詳定皇親讀書賞罰規式詔依所定次第施

行

二外宗正

合璧事類曰宋崇寧元年蔡京申請宗
室既許分居兩京輔郡乞於兩京置外

宗正司中興南渡後南外
置司泉州西外置司福州

置敦宗院

又曰崇寧元年
蔡京請宗室非

袒免親以下兩世欲分於西京南京近輔或沿流便郡
居止每處置敦宗院差文武臣各一員管幹南渡後光

宗即位改為睦宗院

年一商議

中興會要曰紹興二十六年知
西外宗正事士銜言西南兩外

宗司相去不遠鈴東訓導事體一同有未便者理有商議望許兩司宗官每年一次往來商議職事從之

少卿通古學

唐史曰李漢為少卿通古學屬辭雄蔚

典兵衛

淮南王神道碑

敘文昭列

晏殊類要常集隆少卿制曰制以九族乃立貳卿宜敘文昭之列用魁輔德之任

宗正卿五

增詔宋英宗選宗惠同知大宗事詔曰夫明德以親九族正家而刑萬邦古先哲王罔不由此朕嗣守丕業率循舊章惟皇屬之敷和命宗臣而董正念其性本於仁厚宜廣學以勤修顧其日益於衆多必增員而統理庶

乎協贊其職並修厥官式孚於休以副予意

增制唐李嶠行高平郡王重規司屬卿制曰百工惟時
必在推擇九族既睦仍資敦敘高平郡王重規宗室儀
表衣冠領袖有姬旦之藝兼劉蒼之善出居連帥功名
著於兩河入奉鉤陳誠款申於八校本枝望重河海職
隆宜輟掌於魚鈴俾專司於鱗族 孫逖行褒信郡王
璆宗正卿制曰雅志惟恭虛懷敏達近屬蕃翰中朝羽
儀無競維人不矜於貴分克勤於位忠每効於公敦敘

是司疇咨所屬宜居六尚之職以副九委之勤

原歲漢揚雄宗正卿箴曰巍巍帝堯欽親九族經哲宗
伯禮有攸訓屬有攸籍各有胄子代以不錯昔在夏時
少康不恭有仍二女五子家降晉獻悖統宋宣亂序齊
桓不脩而忘其宗緒周譏戎女魯喜子同

增書魏彭城王勰獻文之子孝文為家人書於勰曰教
風密微禮政嚴嚴若不深心日勸何以敬諸每欲立宗
師肅我元族汝親則宸極位乃中監風標才器實足師

範屢有口勅仍執冲遜難違清挹荏苒至今宗制之重
舍汝誰寄便委以宗儀責成汝躬有不遵教典隨事以
聞吾肅治之若宗室有僭隱而不舉鍾罰汝躬綱維相
厲庶有觀政吾朝聞夕逝不為恨也

增奏元趙天麟上言曰國家既立宗正府又立國子監
蓋欲申邦憲以公滅私崇德化以文飾質然其宗室罕
篤於學或月誦而年閑或春集而秋散以馳馬試劍為
至樂以援弓射鴻為常事迹其生於深宮之中長於婦

人之手太倉精粒為之食御局綾錦為之衣頤指氣使而左右趨風叱咤撓辭而鬼神驚懼視公侯之爵輕若纖塵俯望重之賢皆出已下處貴而不自知其貴宣驕而不自知其驕中人以下鮮有弗移其性者伏望陛下導宗室以學問激宗室以榮名嚴宗室之師重宗室之友庶使貴人之志各懷希聖之明心毋令博士之流謾作在公之虛號

宗正卿官屬

丞

主簿

宗玄署

諸陵署

原杜氏通典曰宗正丞漢亦用皇族後漢一人

後漢劉茂字子

衛為宗正丞

歷代皆有之至隋有二人唐因之

增文獻通

考曰宋元豐五年正名初除趙君錫明年以楊畏為宗
正寺丞詔宗正寺除長貳外自今後更不專差國姓建
炎三年罷紹興五年復置續文獻通考曰金亦有之
明有經歷一人原杜氏通典曰主簿梁置陳北齊隋
皆有唐因之置一人增文獻通考曰宋天禧時以衛
尉丞兼元豐正名初除楊完建炎三年罷紹興十年復

置原杜氏通典曰崇玄署令一人初後魏天興二年
置仙人博士掌煮鍊百藥北齊置昭玄等寺掌諸佛教
有大統一人兼置功曹主簿等員以管諸
州縣沙門之法後周置司寂上士中士掌法門之政又
置司玄中士下士掌道門之政隋初置崇玄署令丞至
煬帝改郡縣佛寺為道場置道場監一人改觀為玄壇
監一人唐復置崇玄署初又每寺觀各置監一人屬鴻
臚貞觀中省開元中以崇玄署隸宗正寺掌觀及道士

女冠簿籍齋醮之事 增文獻通考曰宋自真宗興崇

道教置玉清昭應宮景靈宮會靈觀使以宰相為之副

使判官都監及集禧觀醴泉觀東西太乙宮提舉則以

兩省兩制丞郎及防禦諸司使副為之掌奉齋醮之事

又有譯經潤文使亦以宰相為之熙寧以後增制祠祿

之官以逸老優賢而時相欲以宮觀之祿處不奉行新

法之人遂無限員亦無職事而釋老之事則如歷代領

之祠部郎官又屬鴻臚寺至徽宗時以道教改隸祕書

省置道階自六字先生至額外鑒義品秩比視中大夫
至將仕郎凡二十六等又置道學升貢及三歲大比法
同科舉應天下神霄玉清萬壽宮天慶觀知及副知將
來有聞並以學校登科人充其餘宮觀亦依此令禮部
置名籍差注如吏部法以蔡攸通行提舉道錄院中興
後道釋教門事仍歸祠部

按崇玄署一官唐創之以司道教而必屬之宗正司者蓋

唐以老氏為始祖則崇其教者亦以為尊祖宗之事也杜氏通典所載凡唐所創之官而前代所無者則必敘其所掌之事以通之於前代如崇玄一官前代無之然興崇二教而為之建立官司則非始於唐也故必敘後

魏所置仙人博士北齊所置昭玄寺之類以先之宋雖無其官然亦常興崇道教為之置立官司故以真微兩廟所置玉清景靈宮使副及都提舉道錄院等事附見焉

續文獻通考曰金北太

乙宮管勾一員掌守宮繕修之事元世祖至元十七年立都功德使司掌奏帝師所統僧人二十一年立衍福司二十六年立崇福司仁宗延祐二年改為院七年復為司置司使四人同知二人副使一人司丞二人經歷知事照磨各一人宣政院古無之元立掌釋教僧徒及吐蕃之境而隸治之行宣政院順帝元統二年革罷廣

教總管府十六處置行宣政院大禧宗禪院古無元置
掌神御殿歲時朔望諱忌日辰禋饗禮典明初不設崇
玄宣政等院但置僧錄司道錄司官洪武四年改僧錄
為司僧凡三等曰禪曰講曰教設左右善世左右闡教
左右講經左右覺義各一人司置於天界寺道凡二等
曰全真曰正一設左右正一左右演法左右至靈左右
言義司置於朝天宮又天下府置僧綱司都綱道紀司
都紀州置僧正司僧正道正司道正縣置僧會司僧會

道會司道會並朝除不給俸 原杜氏通典曰諸陵署

漢有諸陵園寢官屬太常

長陵令秩二千石為高祖陵也故尊其秩

元帝永

光元年分諸陵邑屬三輔

史記曰司馬相如為孝文園令

後漢每陵園

令各一人掌按行埽除丞及校長各一人

校長主戒盜賊

晉宋

皆曰令而梁初為監後亦改為令梁以下皆有之唐每

陵令丞各一人初屬太常開元二十五年並屬宗正寺

增文獻通考曰宋以宗正寺知丞事掌奉宗廟諸陵

薦享之事

續文獻通考曰金諸陵署有令丞直長屬

太常寺

又有園陵署令宛平縣丞兼貞祐以園陵遷大興縣境以大興縣令丞兼

事文類

聚曰元置諸陵署隸太常有令丞直長等官又置提點

山陵使及副使

續文獻通考曰明有諸陵祠祭署屬

太常 原杜氏通典曰太廟令漢有諸廟寢園令長丞

宋志曰漢西京曰長東京曰令

晉有太廟令宋太廟令領齋郎二十四

人齊梁以下皆有

後魏有太常齋郎漢書曰田千秋為高廟寢郎

舊屬太常唐

開元二十五年二月勅宗廟所奉尊敬之極因以名署情所未安宜令禮官詳擇所宜奏聞至五月太常少卿

韋縉奏曰謹詳經典兼尋令式宗廟享薦皆主奉常別
置署司事非稽古其太廟署請廢省本司專奉其事許
之二十五年勅宗正設官署司屬籍而陵寢崇敬宗廟
惟嚴割隸太常殊乖本系奉先之旨深所未安自今已
後諸廟署並隸宗正 增文獻通考曰宋以宗正寺知
丞事掌奉宗廟諸陵薦享之事室長齋郎無常數廟直
官一人太廟后廟宮闈令三人以入內內侍充元豐之
後太廟令屬宗正寺 續文獻通考曰金皇統八年太

廟成設署置令丞元屬太常掌宗廟行禮兼廩犧署事
至元三年始置令二員丞一員

宗正丞一

增瑤籍

王牒

慶元制晉丞瑤籍 九朝通略曰王鞏
字定國為宗正丞乞別立法修玉牒三

進年一

宗正丞二

增參領

四朝志曰宗正卿掌宗派紀屬籍以別
昭穆而定親疎少卿為之貳丞參領之

上治

道

仁宗實錄曰趙師民字周翰遷宗正丞屬陝西用
兵上治道十五事改天章閣待制同知宗正寺事

不能屈

言行錄曰田畫字承君人物雄偉議論慷慨俱有前輩之風入為大宗正丞宰相曾布欲收置

門下不能屈

無所詘

中興繫年錄曰曾恬為大宗正丞秦檜專政士求媚以取要官恬自守無

所詘條上五事

又曰知大宗正丞謝伋條上宗室五事曰舉賢才以強本支更法制以除煩苛

擇官師以專訓導繼封爵以謹傳襲修圖牒以辨親疎詔內外從官各舉宗室一人

議襲封食

又曰謝伋始立法嚴學官久闕襲封之典遂廢宗正有寺無官故伋言之時用伋議惟襲封食

修纂

屬籍

仁宗實錄曰紹興五年詔復置宗正寺丞一員仍除偉以偉收得宗枝事跡諳曉編類修纂屬籍屬次

編纂圖書

宋會要曰元祐元年宗正寺言既許主簿通管寺事合依太常寺國子監例正

通管雜務其編纂圖書乞依舊例丞專修從之

贊治公姓

曲阜集制贊治公姓人無間言

御定淵鑑類函卷九十一

謹案卷九十一第二十二頁後八行特哩袞舊作
惕隱今改後倣此

謹案第十三頁前二行每祭與吏爭肉刊本與訛
於據魏志改



總校官庶吉士

臣

張能照

校對官庶吉士

臣

陳墉

膳錄貢生

臣

張健

缺

页

欽定四庫全書薈要

子部

御定淵鑑類函卷九十二

詳校官兵部主事臣雷純



欽定四庫全書薈要卷一萬一千五百四十

子部

御定淵鑑類函卷九十二

設官部三十二

大理卿

少卿

大理官屬

大理正

廷尉平

廷尉監

衛尉卿

少卿附

衛尉官屬

公車令

光祿卿

少卿并載

光祿官屬

太官令

大理卿一



原杜氏通典曰今大理者亦舜攝帝位皋繇作士正五
刑周秋官之任秦為廷尉漢因之掌刑辟凡獄必質之
朝廷與衆共之之義也兵獄同制故曰廷尉

此應劭注
也顏師古

曰廷平也理獄
貴平故以為號

景帝中元六年更名大理武帝建元四

年復為廷尉哀帝元壽二年復為大理後漢廷尉卿凡

郡國讞疑

讞質也

皆處當以報

楊賜為廷尉乃歎曰昔三后成功惟殷於民而臯繇

不與焉蓋吝之也遂

魏以世家為之而郭氏尤盛建安

中復為大理

鍾繇以大

黃初元年改為廷尉

鍾毓字稚叔為廷尉

聽君父亡沒臣子得為理謗及士為侯其妻不復改嫁毓所制也

歷代皆為廷尉梁國

初建曰大理天監元年復改為廷尉舊用黃門後視祕

書監有正監平三人元會廷尉三官與建康三官皆法

冠玄衣朝服以監東西中華門手執方木長三尺一寸

謂之執方

天監元年詔建康獄依廷尉三官置正監平革選士流視給事中以尚書郎出為之冠服

與廷尉三官同

陳因之後魏亦曰廷尉北齊曰大理寺置卿少

卿各一人後周有刑部中大夫掌五刑之法附萬人之

罪屬大司寇亦其任也

今刑部侍郎之任

隋初與北齊同

文帝時議

置六卿將除大理盧思道奏曰省有駕部寺留太僕省有刑部寺除大理是則重畜產而賤刑名也

至煬

帝加置少卿二人

趙綽為大理少卿時有侍郎辛宣嘗衣緋視俗云利官文帝以為厭蠱將

斬之綽曰據法不當死臣不敢奉詔上怒甚令斬綽綽解衣當斬上使人問綽曰竟如何綽曰執法一心不敢

惜死上良久釋之他日又令斬二人綽曰此人當坐杖殺之非法上曰不關卿事綽曰陛下置臣法司欲誤殺人豈得不關臣事上曰撼大木不動者當退綽曰臣冀撼天心何論撼木上乃止時薛胄為大理卿胄斷獄以情而綽守法

唐龍朔二年改大理為詳刑咸亨元年復

俱為稱職

舊光宅元年改為司刑神龍元年復舊卿一人

咸亨三年十月

張文瓘兼大理卿旬日決疑獄事四百餘莫不允當皆無怨言文瓘常有疾繫囚相與齋禱願其視事上元二年病卒大理諸囚一時慟哭開元二十一年七月大理卿袁仁敬暴卒繫囚聞之皆慟哭歌曰天不恤冤人兮何奪我慈親今有理掌鞠獄定刑名決諸疑讞少卿無申兮痛哉安許陳芳

二人永徽六年初置少卿一人神龍元年又加一員正二人丞六人主簿二人

司直六人評事十二人 初學記曰案齊職儀云大理

古官也唐虞以皋陶作士士大理官也

春秋元命苞曰堯為天子夢馬

啄子得皋陶聘為大理

初秦置廷尉

應劭曰古官兵獄官多以尉稱尉者尉也言以兵獄羅罟

奸非也漢因之王莽改曰作士東漢又曰廷尉晉宋齊並

為廷尉五代史百官志云梁加卿字曰廷尉卿後並因之 增文獻通考曰宋大理寺以朝官一員或二員判

寺事一員兼少卿事建隆二年以工部尚書竇儀判寺

事

故事臺省長官兼判公事得言判某官事如晉朝尚書左丞崔祐兼判太常卿事是也若言止寺事則其

屬丞正並可行之實儀兼判太常
寺又兼判大理寺事皆新例也
凡獄訟之事隨官司

決劾不復聽信但掌斷天下奏獄送審刑院詳訖同書
以上於朝熙寧九年神宗謂國初廢大理獄非是以問
孫洙洙對合旨於是下詔以京師官寺凡有獄皆繫開
封府司錄司及左右軍巡三院囚逮猥多難於隔訊又
暑多瘕死因緣留滯動涉歲時稽參故事宜屬理官可
復置大理獄天下奏案刑部審刑院詳斷置卿一少卿
二丞四始詔崔台符知卿事蹇周輔楊汲為少卿各舉

丞及檢法官凡官屬依御史臺例謁有禁官制行左斷

刑右治獄各五案

左廳斷刑曰詳刑詳讞宣黃分簿奏表右廳治獄曰左推右推寺案知雜

檢治元祐間因鮮于侁所請廢大理獄後復卿掌折獄詳

刑鞠獄之事凡職務分左右天下奏劾命官將校及大

辟囚以下以疑請讞者隸左斷刑則司直評事詳斷丞

議之正審之若在京百司事當推治或特旨委勘及係

官之物應追究者隸右治獄則丞專推鞠蓋少卿分領

其事而卿總焉建炎三年并省寺監而大理如故省卿

而斷刑治獄少卿各一員 續文獻通考曰遼南面大

理寺官曰大理寺卿曰大理寺少卿曰丞曰主簿外有

提點大理寺有大理正金大理寺天德二年置自少卿

至評事漢人通設六員女直契丹各四員卿少卿大理

正丞掌審斷天下奏案詳讞疑獄司直四員掌參議疑

獄披詳法狀評事三員掌同司直知法十一員

女直司
五員漢

人司掌檢斷刑名事明法二員元世祖至正二十二年

陞大理寺為都護府至大四年置經正監掌營盤納鉢

及標撥投下草地有詞訟則治之本卿太監少監監丞
經歷知事卿太監少監並奴都赤為之監丞流官為之
明太祖吳元年初置大理寺正三品衙門設卿少卿丞
評事洪武元年革三年置磨勘司有令左右丞十四年
復置大理寺設左右寺正左右寺副左右評事時翰林
待制吳沉言刑冤濫請增審獄官於是又設審刑司屬
寺凡刑部十三道五軍斷事官按囚覆問移審刑司評
駁是非十七年改建刑部都察院大理寺審刑司五軍

斷事官署於太平門外名其所曰貫城十九年罷審刑
司二十三年復陞正卿三品與六部都察院通政司並
永樂中定設大理寺卿一人左右少卿各一人左右寺
丞各一人其屬司務二人左右二寺各寺正一人寺副
一人評事四人監生三十二人吏三十五人卿掌審讞
允反刑獄之政令少卿寺丞為之貳司務典出納文移
左右寺分理京畿十三省刑名之事

丘文莊曰刑部都察院大理寺主執

法又謂之三法司大理之設則自兩法司所聽斷日抱成案引因徒詣寺詳讞冤者疑者情輕重者皆得一一

據律參駁必求之當然後月報歲聞
於上請施行之其職亦重且要哉

大理卿二

原韋昭辨釋名曰廷尉縣尉皆古官也尉以尉民心也
尚書曰帝曰臯陶蠻夷猾夏寇賊姦宄汝作士 增

又曰帝曰臯陶維茲臣庶罔或干予正明于五刑以弼
五教期于予治刑期于無刑民協于中時乃功懋哉

又曰臯陶曰宥過無大刑故無小罪疑惟輕功疑惟重
與其殺不辜寧失不經好生之德洽於民心茲用不犯

于有司 文子曰臯陶喑而為大理天下無虐刑有貴乎言者也 禮記曰凡聽五刑之訟成獄辭史以獄成

告於正正聽之正以獄成告於大司寇大司寇聽之棘

木之下

正周卿司之屬

原家語曰季羔為衛士師則人之足

俄衛有亂季羔逃則者守門謂羔曰彼有缺羔曰君子不隧又曰此有室季羔入焉既罷羔問曰吾親則子之足而子逃我何也則者曰曩者君理人以法令先君後臣欲人之免也臣知之臨當論刑君愀然不樂見於顏

色臣又知之君豈私臣哉天生君子其道固然此臣之
所以脫君也孔子聞之曰善哉為吏者用法一思仁恕
則樹德如嚴暴則樹怨公以行之其子羔乎 韓詩外
傳曰晉文公使李離為大理過聽殺人自拘廷尉請死
於君君曰官有貴賤罰有輕重下吏有罪非子罪也李
離曰法失則刑刑失則死遂伏劒死君子曰忠與仁
新序曰楚昭王有士曰石奢公正而好義王使為理於
是廷尉有殺人者石奢追之則其父也及於廷尉曰以

父成政不孝也不行君法不忠也弛罪法而伏其辜僕之所守也君曰庸有罪乎子其治事矣石奢曰不私其父非孝也不行君法非忠也臣不敢失法下之行也遂不離斧鑕刎頸而死 漢書曰廷尉秦官掌刑辟有正左右監 又曰下邳翟公為廷尉賓客填門及罷門外可設崔羅後復為廷尉乃署其門曰一死一生乃知交情一貴一賤交情乃見一貧一富乃知交態 又曰張釋之字季為廷尉文帝出中渭橋有一人從橋下走乘

輿馬驚於是使騎捕之屬廷尉釋之奏此人犯蹕當罰金上怒釋之曰廷尉天下之平也令一傾天下用法皆為之輕重民安得措其手足上良久曰廷尉當是也

又曰文帝遷釋之為廷尉罪疑者予民是以刑罰大省有刑措之風 漢書曰文帝初立河間守吳公治天下

第一故與李斯同邑乃徵吳公為廷尉 增冊府元龜曰路溫舒守廷尉史宣帝即位上書言宜尚德緩刑帝善其言 原漢書曰朱博遷廷尉恐為官屬所誣召見

正監典法掾吏謂曰廷尉本起於武吏不通法律幸有衆賢亦何憂然廷尉治郡斷獄以來且二十年亦獨耳剽日久三尺律令人事出其中掾吏試與正監共撰前代決事吏議難知者數十事持以問廷尉將為諸君覆之正監以為強意未必能然即共條白焉博皆召掾吏為平處其輕重十中八九官屬咸服漢官儀曰光武時有疑獄見廷尉曹史張禹所問輒對處當詳理於是策免廷尉以禹代之雖越次而受亦足以厲其臣節

華嶠後漢書曰河間吳雄字季高以明法律桓帝時自
廷尉致位司徒雄少時家貧母死葬人所不封之地喪
事趣辦不卜時日巫皆言其族滅而雄子訢孫恭三世
為廷尉以法為名家 又曰郭躬字仲孫為廷尉正遷
廷尉家世掌法律鎮自廷尉左監為廷尉凡郭氏為廷
尉者七人 原東觀漢記曰陳寵為廷尉有疑獄輒手
筆作議所活者甚多 魏志曰高柔字文惠明帝時為
廷尉時法甚峻而宜陽典農劉龜竊於禁內射兔收龜

付獄文惠表請告者曰廷尉天下平也安得以至尊喜
怒而毀法乎 會稽典錄曰盛吉字君達拜廷尉吉性
多仁恩務在哀矜每至冬月罪囚當斷其妻執燭吉手
丹筆夫妻相向垂泣 摯虞新禮議曰故事祀臯陶於
廷尉寺新禮移祀於律寺以同祭先聖於太學也又故
事祀以社日新禮改以孟秋之月以應秋政臣虞謹按
臯陶作士惟明克允國重其功人思其當是以獄官祀
其神繫者致其祭律非正署廢興無常宜如舊禮 增

晉書曰孔坦字君平遷廷尉多所平正當法合人情而
時勢要自以愛憎為斷坦竟不行 原晉中興書曰王
彪之遷廷尉時揚州刺史殷浩劾永嘉太守謝毅付廷
尉彪之執法不受發詔彪之又上疏執據時人云張釋
之以來復見斯事 增冊府元龜曰晉鄭默為廷尉時
鬲令袁毅坐交通貨賂大興刑獄在朝多見引逮唯默
兄弟以潔慎不染其流 又曰吳隱之守廷尉雖居清
顯祿賜皆班親族冬月無被常澣衣乃披絮勤苦同於

貧庶 後魏書曰崔光韶遷廷尉卿時祕書監祖營以

贓罪被劾光韶欲致之重法太尉城陽王徽尚書令臨

淮王彧吏部尚書李雋侍中李彧並勢望當時皆為營

求寬光韶正色曰朝賢執事於舜之功未聞有一如何

反為罪人言乎其執意不回如此 原北齊書曰宋世

軌為廷尉少卿時大理正蘇珍之亦以平幹知名寺中

為之語曰決定嫌疑蘇珍之視表見裏宋世軌時人以

為寺中二絕卒官廷尉御史諸囚皆哭曰宋廷尉死我

等豈有生路 增隋書曰楊注字元度守大理卿注視

事二日帝將親省囚徒其時繫囚二百餘人注通宵究
審詰朝而奏曲盡事情一無遺誤帝甚嘉之 冊府元

龜曰隋梁毗為大理卿時見左僕射楊素貴寵擅權百
僚震懼恐為國患因上封事發言謇謇有誠亮之節

唐書官品志曰郎楚之武德初為大理卿與太子少保
李綱侍中陳叔達撰定律令 分紀曰劉德威為大理

卿太宗嘗問德威曰近來刑網稍密其過安在德威奏

言誠在主上不由臣下人主好寬則寬好急則急律云失入減三等失出減五等今則反是失入則無辜失出獲大罪所以吏各自愛競執深文非有教使之然畏罪之所致耳太宗深然之唐列傳曰貞觀八年上謂大理卿竇誕曰法官卿為之長朕以至公臨天下法之所行無舍親昵卿當保所長棄所短無阿朕意以虧憲典唐新語曰唐臨為大理卿初莅職斷一死囚先時坐死者十餘人皆他官所斷會太宗幸寺親錄囚徒他官

所斷囚皆稱冤不已臨所斷者嘿而無言太宗怪之問
其故囚對曰唐卿斷臣必不枉濫所以絕意太宗歎息
久之曰為獄固當若是囚遂見原唐史曰臨累遷大
理卿高宗常錄囚臨占對無不盡帝喜曰為國之要在
用法刻則人殘寬則失有罪惟是折中以稱朕意冊
府元龜曰唐蔣沅建中初為大理卿時德宗幸奉天沅
奔赴行在為賊候騎所拘欲以偽職誘之因絕食稱病
潛竄閭里間京師平首蒙旌擢天中記曰王正雅字

光譙穆宗時為大理卿會宋申錫事起獄自內出卒無
證驗是時王守澄之威權鄭注之寵勢雖宰相重臣無
敢顯言其事者唯正雅與京兆尹崔綰上疏請出造事
者付外考驗其事別具狀聞由是申錫止於貶官中外
翕然推重之又曰張仁愿為大理卿隰州刺史王澈
犯賊朝廷以功臣子欲宥之仁愿執奏竟遣伏法議者
賞之宋實錄曰實儀判大理寺奉詔重定刑統援引
律疏勅格參酌重輕增為三十卷尤為詳備太祖嘉之

分紀曰宋至道中張泌判大理寺會鞠陳廷山謀叛
獄具李潤之為大理正斷廷山謀叛當絞時中書刑房
吏李文方用事潤之附會之泌掌廷尉不預議法又不

見案牘乃上疏言其事上召宰相呂蒙正責讓蒙正以
文方所定為允泌因言曰臣祇能盡心於陛下不能苟
容於文方以曲筆爾 吾學編曰明夏時正慈溪人成
化初進南京大理卿七年歲大祲巡視江西斥貪墨吏
革冗徭理庾賦放無名之稅勸民出粟七十萬石賑饑

長河洞人叛單車撫定疏時弊二十事當路人不悅遂致仕歸

大理卿三

原臯呂

于張

潘岳楊荊州誄曰惟此大理國之憲章君蒞其任視民如傷庶獄明慎刑辟端

詳聽參臯呂稱侔于張臯臯陶也虞書帝曰臯陶汝作士明於五刑呂侯也為周王司寇周書曰穆王訓夏

贖刑作呂刑

于于定國也

流涕

垂念

謝承後漢書曰傳賢

張張釋之也事詳下無冤注

字仲舒遷廷尉賢清廉平直自掌法官無私間嘗垂念刑法務從輕比每冬至斷獄遲迴流涕又曰盛吉拜

廷尉自掌憲平法

有恩

無冤

虞預會稽典錄曰盛吉為廷尉性多哀憐

常懇惻垂念之

其妻謂吉曰君為天下執法不可使一人濫罪殃及子孫其囚無後嗣者令其妻妾得入使有遺類視事十二年天下稱有恩漢書曰于定國為廷尉為人卑恭尤重經術其決獄平法務在哀蠲罪疑從輕加審慎之心朝廷稱之曰張釋之為廷尉天下無冤民于定國為廷尉民自以不冤

耳剽面決

上詳

卿二鍾離岫會稽後賢記曰孔坦遷廷尉卿獄多囚繫坦到官躬執辭狀口辯曲直大小以情不加楚撻每臺司隸獄無所顧問皆面決當時之事

繫鞶署門

漢書曰王先生者善黃老處士也張

釋之召居廷中王生年老與釋之及公卿會廷中立王生鞶解顧謂釋之為我繫鞶釋之前跪而繫之既退或讓王生曰何辱張廷尉乎王生曰廷尉方為天下名臣吾聊使繫鞶欲重之諸公聞之賢王生而重廷尉下

詳卿

棘署竹刑

禮聽獄于棘木之下又竹刑三尺

增九則二

絕

崔德政箴
下詳卿二

雲司

星法

陳子昂集為司刑袁卿讓
官表云榮加天寵職察雲

司必能利用文明哀矜庶獄
下之獄事若今廷尉之象故星讚云

天文錄曰平星主平天
平星執法正乎綱

紀

原議絕妻

決分子

漢書曰孔光為廷尉時定陵
淳于長坐大逆誅長小妻乃

始等六人皆以長事未發覺時棄去或更嫁及長事發
丞相翟方進等議乃始等於法無以解論光以為夫婦
之道有義則合絕義則離乃始或嫁義已絕而欲以為
妻論殺之名不正不當坐有詔以光議是謝承後漢
書曰范延壽宣帝時為廷尉時燕趙之間有三男共娶
一妻生四子長各求離別爭財分子至聞於縣縣不能
決斷讞之於廷尉於是延壽決之以為悖逆人倫比之
禽獸生子屬其母以子並付母尸三男於市奏免郡太
守令長等無率化之
道天子遂可其言

務寬條

附輕典

東漢列傳郭
躬為廷尉家

世掌法務在寬平乃條諸重文可從輕者四十一事奏之多所生全又曰陳寵代躬為廷尉每附輕典務從

寬恕濟活者衆讚曰陳郭主刑人賴其平

吳家三世 郭氏七人

並詳卿二

獄官之長 天下之平

漢書百官公卿表應劭注曰廷尉古官尚書咎繇作士士獄官

之長 下

官尊九寺 任重三章

白帖

務在寬恕

兼明法理

魏志王朗為大理務在寬恕黃門郎劉頌貞平居正兼明法理可議郎守

廷尉 案頌守廷尉時尚書令史扈寅非罪下獄詔使考竟頌執據無罪寅遂得免時人以頌比張釋之在職

六年號

五聽三慮 庶獄羣司

六典以五聽察其情氣色視聲詞以三慮

盡其理明謹以讞疑獄哀矜以去冤獄公平以鞫庶獄

賤表類矧古士官為今理寺典于庶獄糾是羣司

增心如鐵石 言若湧泉

天中記曰唐臨為大理卿太宗親為之考詞曰形若

死灰心如鐵石 彙苑載曾為大理卿犯顏據正參處法意隨類指摘言若湧泉

結王生韞

遺何子衣

上見前 孔帖曰唐張道原拜大理卿何稠得罪籍其家屬賜羣臣道原曰禍福無

常安可因己之泰利人之否取其子女以為僕妾豈仁者之心皆舍之一無所取更資以衣食遣之

常

在深文 不肯曲筆

山堂肆考曰漢張湯為廷尉為人多詐舞文巧詆汲黯常與議論湯

辯常在深文小苛黯忿罵曰天下謂刀筆吏不可為公卿果然必湯也 又曰齊遊肇為廷尉卿持法以平齊

宣武帝常勅肇有所降恕肇堅執不從曰陛下自能恕之豈可令臣曲筆

原漢用平允任

先張釋 魏推明察選在鍾繇 舜命臯陶刑惟明允

漢尊定國道在寬仁

俱白帖

大理卿四

原廷尉掌刑辟

漢百官公卿表曰廷尉秦官掌刑辟

理疑獄

漢官解詁曰廷尉當

理疑獄

廷尉平刑罰

續漢書百官志曰廷尉掌平獄奏當所應

釋令尹之

族

說苑曰楚令尹之族有干法者廷理拘之聞其令尹之族也而釋之子文召廷理而責之

詰責

廷尉

漢書曰張釋之為廷尉時有人盜高廟坐前玉環得之文帝怒下廷尉治案盜宗廟服御物者為奏

當棄市上大怒曰人亡道乃盜先帝器吾屬廷尉者欲致之族而君以法奏之非我所以共承宗廟意也釋之免冠頓首謝曰法如是足也

讞疑事

又曰張湯為廷尉奏讞疑事必先為上分別其原上所是

受而著讞法廷尉挈令揚主之明師古曰著謂明書之也挈獄訟之要也書於讞法挈令以為後式也

奏讞掾

後漢書兄寬以儒為不習事會有疑奏寬為言其意掾吏因使寬為奏讀之皆服以白廷尉張

湯大驚以寬為奏讞掾以古法誼決疑獄

高門

于公理獄積陰德修宅令高其門以待曰我子孫必

有昌者至定國為廷尉

定國北面執經

漢書曰于定國為廷尉乃迎師學春秋身執經

北面備弟子禮

無私賓客

謝承後漢書曰傅賢遷廷尉掌法無私門賓客

傳賢廉

直

又曰賢遷廷尉素廉直公卿讞飲不往以家貧無以報其施

增卜福執謙

東觀漢記

曰卜福為廷尉執謙求退上以為大中大夫

寬恕見稱

魏志曰王殷為大理務在寬恕與鍾

繇以治獄見稱

持法清正

會稽典略曰黃昆字文通遷廷尉持法清正

不發私

書

又曰黃昆遷廷尉
閉門不發私書

清正有識

晉書臧榮緒傳咸寧
詔劉頌貞固清正有

識鑑其以頌
守廷尉卿

奉法持正

唐職林曰鄭善果為卿奉
法持正風績顯於公卿

不樂法家

白帖曰元澹遷大理卿
不樂法家因謝所居官

得賢之盛

白集撰
李同制

曰國朝以來有劉德威張文瓘唐臨
為大理得賢之盛人到於今稱之

守法之司

續通
典曰

太和四年大理卿崔杞奏大理寺即陛下守法之司一
定之制不可搖動若朝示而暮改同罪而異刑則人何
所措其
手足哉

持法明審

又曰范說為
卿持法明審

廷尉四十年

分紀
曰劇

可久大理卿性沉毅方正
在廷尉四十年用法平允以仁術稱

賊錢不受

宋史曰向
敏中判大

理寺時以沒入祖吉贓錢分賜法
吏敏中引鍾離意委珠事獨不受

表賀不奏

言行錄
宋李浩

大理寺奏結獄上顧輔臣曰棘寺當得剛正如李浩者為之已而大理卿闕上曰無易李浩遂除大理卿故事寺獄空上表賀浩獨不奏

言岳飛無罪

山堂肆考曰宋秦檜矯詔下岳飛於大理獄大理卿

薛仁輔寺丞李若樸何彥猷皆言其無罪

晉卿鞫獄無觀望

職略曰韓晉卿字伯修為

卿元豐大理兼鞫獄事多上所付晉卿獨持平覈實無所觀望人不以為冤

獨持明允

名臣

記曰明王槩廬陵人天順七年遷大理卿出入十年凡兩法司及畿藩獄奏參錯情法多所平反時吏諳律比者類多深刻槩獨持明允濟以長厚

大理卿五

增詩唐杜牧送大理卿出鎮江西詩曰一室何勞掃三

章自不冤精明如定國孤峻似陳蕃

增制梁沈約行蔡法度廷尉制曰民命所懸繫乎三尺
止殺除殘實由乎此是以臯陶作士五刑惟明于張莅
官世無冤獄且漢代律書出乎小杜吳雄以三世法家
係為理職郭躬以律學通明仍業司士爰及晉氏此風
未泯叔則元凱並各名家自茲厥後斯尚漸薄迄至於
今損棄頓盡衣冠士子恥復用心州郡奸吏恣其取舍
舞文弄法非止一塗朕膺天受命為兆民主每一念此

忘寢與食左曹郎中蔡法度少好律書明曉法令世之
所廢篤志不怠至於章句躋滯名程乖礙莫不斟酌厥
衷允得其門方欲寄以國刑開示後學宜加褒擢弗繫
常階 唐蘇頲行陸餘慶大理卿制曰法者天下所共
廷尉天下之平選衆甄才惟明克允宗正卿陸餘慶早
回翔於近密久踐歷於中外雍容文雅自然素徵清商
蕭散風華莫不瑤林瓊樹必當和而不撓貞則有恒正
罰金於後人戒刻木於前吏念茲欽恤深可哀矜宜修

白雲之典俾靜黃沙之職

原歲漢揚雄廷尉箴曰天降五刑惟夏之績亂茲平人
不回不僻昔在蚩尤爰作淫刑延於苗民夏氏不寧穆
王耄荒甫侯伊謀厥後陵遲上帝不觚周輕其制秦繁
其辜五刑紛紛靡遏靡止寇賊滿山刑者半市昔在唐
虞象刑天民是全紂作炮烙墜人于淵故有國者無云
何謂是刑是劓無云何害是剝是割惟虐惟殺人莫予
奈殷以刑顛秦以酷敗獄臣司理敢告執謁 後漢崔

德正大理箴曰邈矣皐陶翊唐作士設為犴狴九州允
理如石之平如淵之清三槐九棘以賢以德罪人斯殛
凶族斯逆熙乂帝載旁施作明昔在仲尼哀矜聖人子
罕禮刑衛人釋艱釋之其忠勲亮孝文于公哀寡定國
廣門賈哉邈矣舊訓不遵主慢臣驕虐用其民賞以崇
欲刑以歸忿紂作炮烙周人滅殷桀用淫刑湯誓其軍
衛鞅酷烈卒殞於秦不疑知害禍不及身嗟茲大理慎
于爾官賞不可不思斷不可不虔或有忠能被害或有

孝而見殘吳沈子胥殷剖比干莫遂爾情是截是刑無
遂爾志以速以亟天鑒在顯無細不錄福善禍惡其効
甚速理臣司律敢告執獄 增明宣宗大理寺箴曰有
虞用士弼教明刑秦漢相繼廷尉是稱命曰大理由景
之世暨於今茲一以輔治列之九卿有翼有承鑑空衡
平視獄之成簡於五辟以正刑罰維過斯宥維義之合
刑不可贖死不可生惟爾是憑不可不矜易簡明慎書
戒欽恤祇率勿違乃德之吉惟官惟反惟貨惟來終迷

不復乃禍之階粵昔蘇公式敬由獄以長王國永命攸
屬嗚呼若人悠悠我思爾儀爾規服此戒辭

增賦唐韓鉉烏巢大理寺獄戶賦曰皇帝恩霑庶類道
格元功化覃於萬國之間苛慝不作烏巢於圜扉之內
囹圄知空足驗時清可知刑措蒼鷹莫鷙寧懷獄吏之
憂疎網無加豈有虞人之懼定國徒美於詳明何施善
政治長不罹於縲紲豈見銜冤

大理少卿一

增後魏職令曰廷尉少卿第四品上第二請用思理平
斷明刑職法者 隋書曰源師煬帝即位拜大理少卿

帝在顯仁宮勅衛士不得輒離所守有一主帥私令衛
士出外帝付大理繩之師據律奏徒帝令斬之師奏曰
此人罪誠難恕若陛下初便殺之自可不關文墨既付
有司義歸恒典脫宿衛近侍更有此犯將何以加之帝
乃止 唐書曰韓瑗武德初為大理少卿受詔掌定律
令瑗言於高祖曰官吏至公自當奉法苟若徇己豈顧

刑名請從寬簡以允維新之望高祖然之於是採定開皇律 唐新語曰太宗謂侍臣曰大理之職人命所懸

當妙選正人用心存法無過戴胄者乃以為大理少卿

又唐書曰戴胄遷大理少卿時吏部尚書長孫無忌不解佩刀入東上閣門封德彝議以監門校尉不覺罪當死無忌罰銅二百斤胄駁曰若論其誤則為情一也而生死頓殊敢以固請上嘉之竟免校尉死 唐孫伏伽傳曰伏伽轉大理少卿太宗數出馳射上書諫曰千

金之子坐不垂堂百金之子立不倚衡以此言之天下之主不可履險乘危明矣 天中記曰唐徐有功轉司刑少卿常謂所親曰身為大理人命所懸必不順旨詭辭以求苟免故前後為獄官以諫奏枉誅者三經斷死而執志不渝酷吏由是少衰時人比漢之于張焉 又曰鹿城主簿潘好禮慕有功為人論之曰昔稱張釋之為廷尉天下無冤人然釋之當漢文帝時中外無事守法而已有功居革命之際周興來俊臣等掩義隱賊崇

飾惡言以誣盛德有功守死明道身濱殆者數矣此其
賢於釋之明甚或稱有功仁恕過漢于張起居舍人盧
若虛曰徐公當雷霆之震而能全仁恕雖千載未見其
比 又曰桓彥範為司刑少卿凡所奏議若逢人主詰
責則辭色無懼爭之愈厲 長編曰宋元豐間大理承
內降公事上下皆曰是詔獄也意必傳置少卿韓晉卿
獨持平劾實無所觀望上知其才凡獄難明及事繫權
貴悉以委之 言行錄曰呂頤浩為相上謂宰執曰昨

日大理少卿元袞面奏朕戒以持法明恕頤浩曰惟明克允乃用刑所先也乃詔今後臣僚所請若祖宗法意并新書有所增損令刑部參酌申省 吾學編曰胡閏鄱陽人建文中進大理少卿靖難兵起數與齊黃議軍國事壬午七月不屈死之籍其家子傳道論死傳慶成邊一女得釋歸貧甚無依鄉人競遺錢穀曰此忠臣女也 又曰薛瑄字德溫河津人正統元年王振問楊士奇等吾鄉誰可為大臣者皆薦瑄召為大理右少卿士

竒等以用瑄出振意欲瑄一見振瑄正色曰安有授官公朝而拜恩私門邪明詩小傳又曰瑄歷大理少卿時人呼為薛夫子後忤王振下獄振老奴伏竈下抱薪而泣人問之曰聞欲殺薛夫子故泣耳振心動乃免

大理少卿二

增崔昇守正 有功平反

唐書曰崔昇兄元暉為宰相先是酷吏誣籍數百家元暉

開陳其枉及宋璟劾張昌宗不軌元暉頗助璟後有司正昌宗罪而昇為司刑少卿執論大辟兄弟守正如此又曰徐有功為少卿時周興來俊臣等羅織天下衣冠近族者數千百家有功司刑平反者不可勝紀時人

方之于
定國

號為長者
妙選正人

柳子厚先友記鄭利
用餘慶從父兄也真

長者由大理少卿為御史中丞後
由中丞為大理卿

下詳少卿一

晉卿持平
王表

近厚

上詳少卿一
者上謂宰執曰表

言行錄曰大理少卿王表多稱長
既順人情又不慘

刻張守曰表雖法
科議刑頗近厚

大理少卿三

增冒牒

山堂肆考曰唐戴胄為大理少卿時有訛資蔭
冒牒取調者詔許自首不首罪當死俄有詐得

者獄具胄以法當流帝曰朕詔不首者死而今當流是
示天下不以信卿賣獄邪胄曰法者布大信於民言乃
一時喜怒所發陛下以一朝之忿將殺之既知
不可而準於法此忍小忿存大信也帝大感悟

守公

白帖曰徐有功轉司刑少卿皇甫文備誣有功縱逆黨久之文備坐事下獄有功出之或曰彼嘗陷公於死今生之何也對曰爾所言者私忿我所守者公法不可以私害公

何異登仙

唐書曰倪若水字子

泉開元初班景倩自揚州採訪使入為大理少卿過州若水餞於郊顧左右曰班生此行何異登仙吾恨不得為騶未幾

號為明習

長編曰宋仁宗時陳大素權大入為戶部

令法

大理少卿四

增詩唐羅隱寄大理寺詩曰佐棘竟誰同因思證聖中事雖亡顯報理合有陰功官序詭枝老生涯范甑空幾

時潘好禮重與話清風

增讚司刑少卿徐有功讚曰猗歟徐公獬廌之精世皆
紛濁不改吾清

增制唐蘇頌行陸景初大理少卿制曰識悟清真虛心
得妙言符正直獨行鄰幾故能儒玄默知文史明達翔
集仙署翻飛禁省而臯陶為理釋之不冤精求上才欽
恤中典宜慎刑法俾聞哀矜 常袞行景延之大理少
卿制曰業擅文儒行資忠信推令望於公器著能名於

吏途久踐周行夙彰聲實祥刑之地稱職其難任在東
孚選兼勲舊宜參河海之亞俾副朝廷之舉

大理卿官屬

丞主簿
獄丞司直

原杜氏通典曰丞自晉武咸寧中曹志上表請廷尉置
丞宋齊梁並因之後魏亦然北齊曰大理丞一人隋初
二人至煬帝改為勾檢官增為十六人分判獄事唐又

曰丞置六人

杜景儉徐有功並為司刑丞與來俊臣侯
思正同制獄人稱之曰過徐杜必生過來

侯必死

增續會要曰宋置丞四員命卿少舉官元豐五

年命莫君陳等九人為大理寺丞始自朝廷差官也

續文獻通考曰遼金皆有丞元置監丞二員以流官為之明大理寺左右寺丞各一人正五品 原杜氏通典

曰主簿自魏晉宋齊梁陳皆有唐置二人 增宋中興

會要曰元豐正名初除二員建炎三年省後復 續文

獻通考曰遼有主簿金置知法十一員元置經歷知事

各一員明置司務二人 原杜氏通典曰獄丞晉有左

右丞各一人宋齊因之梁陳置二人後魏北齊亦然隋

有獄掾八人唐曰丞有四人 增宋續會要曰神宗復

置大理獄丞四員 自遼至明無考 原杜氏通典曰

司直後魏永安二年置司直十人 御史中尉高穆所奏置 視五品

隸廷尉位在正監上不署曹事唯覆理御史檢劾事 漢武

已置丞相府屬司直非此司直 北齊隋因之隋初置十人煬帝置十六

人唐置六人掌承制出使推覆若寺有疑獄則參議之

增宋續會要曰熙寧中置大理獄至元豐五年始命

程嗣先四人為司直 中興會要曰建炎三年詔斷刑

司直兼治獄司直其治獄司直罷 續文獻通考曰金

司直四員掌參議疑獄披詳法狀元明無聞

事文類聚曰元仍唐

宋舊置大理司直

大理丞一

增必生 無死

上詳通典唐御史臺記胡元禮自大理丞遷少卿嘗出一死囚元禮判殺之

曰元禮不離刑曹此人無活法李日知報曰日知不離刑曹此人無死法竟以兩狀申日知果直

蘊

古上箴 延年陳策

山堂肆考曰唐張蘊古上大寶箴太宗嘉之賜以束帛除大理丞

又曰宋天聖中大理寺丞石延年上書陳十策乞選練兵級言西夏必叛朝廷不以為然及元昊反上思其言

召見乞奉使河東籍兵回稱旨上曰知卿才久矣

治讞之丞司刑之典

胡文

恭行尹立制

又行毛維藩制

用除棘路往治竹

擢任藩卿之丞

參司刑讞之典

刑

胡文恭行王尹制用除棘路之丞往治竹刑之讞又行程簡制司進丞於棘路往治讞於竹刑

大理丞二

增斷獄無冤

唐舊史曰狄仁傑為大理丞周歲斷獄一萬七千人無冤訴者時武衛大將軍權善

才坐誤斫昭陵柏樹仁傑奏罪當免職高宗令誅之仁傑曰陛下必用變法請從今日為始臣不敢奉制殺善才陷陛下於不道帝意解善才因而免罪

寬平無濫

唐書曰李日知遷司刑丞時用法嚴急日

知獨寬平無冤濫者

宜用士

合璧事類宋紹興二十六年上曰理寺宜參用士於是何涇楊邦弼

除理丞

廉勤律已

吾學編曰彭與明萬安人建文元年陞大理丞廉勤律已剛毅敢言敏達

能斷四年擇中朝官知兵有風裁者出江北督察諸將與明為衆所推遂出淮西至靈璧會何福戰敗為北兵所執文皇遣歸與明慚憤裂冠裳棄官變姓名

大理丞三

增詩唐韓愈江陵道中呈李孫三學士詩曰棲棲法曹掾何以自卑陋生平企仁義所學皆孔周早知大理官不列三台儔何況親犴獄敲榜發奸偷懸知失事勢恐自罹置罟

大理主簿

增原情引經

樓攻媿集曰宋陳希點為太學博士遷大理寺簿人為之憤希點忻然就職素不讀

律而原情引經法

持節勞來

呂東萊集曰薛季宣為大理寺簿是歲江湖大

家自以為不及

饑流民往往北渡江邊吏復奏淮民多款塞者遣季宣行淮西收以實邊季宣持節勞來髦稚滿車下季宣使

事有緒遂進官

多少年

韓愈南內朝賀歸呈同官詩法吏多少年磨淬出角圭將

二等除大理正

舉汝愆尤以

為己階梯

大理司直一

增馳傳決獄

唐書曰王祚為司直馳傳決獄所至仁平

連署斷獄

又曰大理司直

凡大理斷獄皆連署

先請魚書

白帖曰司直凡承制而出先請魚書以往

進列理

官

初察除鍾邦彥大理司直制

大理司直二

增詩唐杜甫送高司直尋封閬州詩曰驛驢事天子辛
苦在道路司直非冗官荒山甚無趣 李嘉祐送韋司

直西行詩曰不恥青袍故尤宜白髮新 宋蘇軾和許

朝奉詩曰清絕聞詩語疏通豈法流傳家有衣鉢斷獄

盡春秋

大理正一

原杜氏通典曰大理正秦置廷尉正漢因之後漢一人

魏晉謂正監平為廷尉三官

晉廷尉三官通視南臺持書舊尚書郎下遷梁制服

獬廌冠介幘卓衣銅印墨綬

其後皆有隋開皇三年增為四員煬帝

增為六員唐二人通判寺事龍朔二年改為祥刑大夫

咸亨初復舊

增文獻通考曰宋神宗復置大理獄後

置寺正元豐五年刑部乞分評事司直與正為斷司丞

與長貳為議司凡斷案先上正看詳當否論難改正然

後過議司覆議建炎并省斷治獄寺正各一員 續文

獻通考曰遼有大理正金元皆有明置左右寺正各一

人左右寺副各一人

明徐禎卿傳曰舉弘治乙丑進士除大理寺左寺副乞從南就養會

失囚謫官

卒於京

大理正二

原活千數 決一朝

後漢書曰何敞六世祖比干學尚書於晁錯武帝時為廷尉正與張

湯同時湯持法深而比干務仁恕數與湯爭雖不能盡得然所濟活者以千數 魏志曰司馬芝子司馬岐從

河南丞轉廷尉正梁郡有繫囚多所連及數歲不決詔書徙獄於岐及囚至詰之皆莫敢匿詐一朝決竟遂超

為廷尉

增蘇瓊雪冤

司馬宥疑

北史曰蘇瓊為廷尉正時畢義雲為御史

中丞以暴猛任職理官忌之莫敢有違瓊推察務在得情雪其冤者甚衆

魏志曰司馬芝遷大理正有盜官

絹置都厠上者吏疑女工收以付獄芝曰刑罪之失失在苛暴今賊物先得而後訊其辭若不勝掠必致誣服誣服之情不可折獄且簡而易從大人之化也今請宥所疑以隆易從之義不亦可乎太祖從其議遂釋女工

比干仁恕

顧協清嚴

上詳前注為廷尉正冬服單薄寺卿蔡

南史曰顧協初

法度欲將襦與之憚其清嚴不敢啟口

明習律令

決定嫌疑

山堂肆考曰魏

喬元奏陳琳明習律令召拜廷尉正

蘇珍之事詳卿二

詳正

科條

議典刑獄

六典曰大理正掌參議刑辟詳正科條之事凡六丞斷罪有不當者以法

正之 職林曰初察除葉
預制議刑典獄惟明克允

次公決疑獄 伯真明法

律

漢書曰黃霸字次公宣帝聞霸持法平召以為廷尉
正數決疑獄廷中稱平守丞相長史坐公卿大議廷

中如長信少府夏侯勝非議詔書大不敬霸阿從不舉
劾皆下廷尉繫獄當死霸因從勝受尚書獄中再踰冬
積三歲乃出 謝承後漢書曰宗琳字
伯真喬元表琳明法律徵拜廷尉正

大理正三

增決獄稱平

詳正

顧榮太子舍人轉廷尉正

晉書曰
顧榮入

洛以南士秀望累遷
太子舍人轉廷尉正

作二刑議

晉書曰江統字元應
為廷尉正作二刑議

上論見志

山堂肆考曰唐王愔為大理正奏言法令
者人之隄防隄防不立則人無所禁竊見

大理官員多不奉法以縱罪為寬恕以守文為苛刻遂上應正論以見志

參聽棘言

晏殊類要

許公集除制鵲鳩作士參聯聽棘之言

往正寺事

職林初察制爾其明習刑書往正寺事

持法平允

宋太宗實錄曰范旻質之子也判大理正事持法平允

治獄

大理正任

章詩曰古風真往哲雅道濫朝聞治獄威豪右時時賴典墳

垂印

范成送大理正攝御史詩曰垂

銀棘庭印持

斧柏臺綱

廷尉平一

原杜氏通典曰廷尉評事漢宣帝地節三年初於廷尉

置左右平員四人

宣帝詔曰今遣廷吏與郡鞠獄任輕祿薄其為置正平員四人其務平之

涿郡太守鄭昌上言曰聖王立法明刑者非以為理救
衰亂之起也今明主躬垂明聽不置廷平獄將自正若
開後嗣不若刪定律令律令一定愚民知所避就姦吏
無所弄法今不正其本而置廷平以理其末代衰聽怠
則廷平將招權而為亂首也宣帝始置左右平而後漢
三輔決錄注云何比干漢武帝為廷尉右平謬矣

光武省右平唯有左平一人掌平決詔獄冠法冠魏晉
以來無左右而直謂之廷尉評後魏北齊及隋廷尉評
各一人開皇三年罷至煬帝乃置評事四十八人掌與
司直同其後官廢唐貞觀二十二年褚遂良議重法官
復奏置評事十員掌出使推覆後加二人為十二員

增文獻通考曰宋熙寧置大理獄至元豐始命張仲穎等十二人為評事隆興二年詔大理評事以八員為額

續文獻通考曰金評事三員掌同司直

事文類聚曰元仍唐宋舊

置評事明左右評事四人正七品

廷尉平二

增馬宮高潔

杜暹公清

漢書曰馬宮行能高潔遷廷尉平山堂肆考曰唐杜暹

授鄭縣尉以清節見知華州司馬楊孚公直士也深賞重之孚遷大理正暹坐公事下法司孚謂人曰若此人得罪則公清之士何以勸矣

特薦之執政曜大理評事

以行能遷上便宜除

上詳前注 晉史曰何攀
上便宜十事除廷尉平

號三緊官 居九寺首 上詳

拾遺 山堂肆考曰唐姚正操曰自余以評事入臺後
相繼不絕韓琬以為不然自則天好法刑曹望居九寺
之首以此評事多入臺迄今
為雅例非正操所能升降也 佐法之評 參議之讞
胡文恭行張希甫制佐法
卿之評 初察行王怡制

廷尉平三

原秩六百石平決詔獄 續漢書百官志曰廷尉平一

比干無冤民 三輔決錄曰何比干字少卿漢武帝時丞
相公孫弘舉為廷尉右平獄無冤民號曰

案何 顧榮明刑理 晉中興書曰吳郡顧榮遷廷尉平
公 時趙王倫誅淮南王允收允官屬

下廷尉議罪榮具明刑理不宜廣濫倫意解賴榮濟者甚衆

增驚郡將

廣記王敬由為評事

奉使河南叱咤風生到廣陵訪裴諶諶曰平公使車留此一宿得無驚郡將乎

改授殿直

山堂

肆考曰陳舜封者舉進士為大理評事因奏事上前上見其言語捷給舉止類倡優詰之自言其父承業善箚為都知上謂宰相曰此雜類安得任清望官蓋執政不為國家區別品流所致即改授殿直

註誤

悉免

唐新語敬昭道為評事時沂州反者註誤坐者四百餘人昭道反覆詰對執政無以奪註誤者悉免

評獄

唐陳子昂為陳舍人讓官表預參評於詔獄

羅織

唐書曰則天時御史中丞來俊

臣司刑評事康煜衛遂忠等同惡相濟招集無賴數百人令其告事共為羅織千里響應

青雲姿

岑參送顏評事詩佇聞明主用豈負青雲姿

近要

杜甫送王評事詩廷評近要津

初銜

命

劉長卿西庭夜宴喜評事兄拜命詩棘寺初銜命梅仙已誤身

廷尉監一

原杜氏通典曰廷尉監秦置廷尉監漢有左右監

酈吉字少

卿為廷尉監

光武省右監唯有左監一人魏晉以來無左右

而直云廷尉監隋開皇三年罷大理監

廷尉監二

原常從輕比

謝承後漢書曰陳咸為廷尉監議人常從輕比

多所全活

又曰陳咸

字子成為廷尉監論報多思多所全活皆稱思也

陸鸞圖像

晉起居注曰廷尉監陸鸞求增

築評堂圖
畫先賢像

陳咸稱恩

詳上

衛尉卿一

少卿并載

原杜氏通典曰衛尉秦官掌門衛屯兵有丞漢因之

漢舊

儀曰衛尉寺在宮內胡廣云主宮闕之內
衛寺於周垣下為區廬者若今之伏宿屋

景帝初更名

中大夫令後元年復為衛尉又有長樂建章甘泉衛尉

皆掌其官其職略同而不常置

顏師古曰各隨所掌之宮以為官名

後漢

有衛尉卿一人職與漢同晉銀章青綬五時朝服武冠

佩水蒼玉掌冶鑄領冶金

凡領五千三百五十冶在江北而江南唯有梅根及冶塘

二治皆屬揚州不屬衛尉

晉江左不置衛尉宋孝武復置南齊掌宮

城管鑰

南齊宮城諸却敵樓上本施鼓持夜者以應更唱高帝以鼓多警眠遂改以鐵磬

梁衛

尉卿位視侍中職與漢同卿每月丞每旬行宮徼糾察

不法陳因之後魏亦有之北齊為衛尉寺有卿及少卿

各一人隋文帝開皇三年廢衛尉寺入太常及尚書省

十三年復置掌軍器儀仗帳幕之事而以監門衛掌宮

門屯兵唐因之龍朔二年改衛尉為司尉咸亨初復舊

光宅元年又改為司衛神龍初復舊卿一人少卿二人

初少卿一人太極元年加一人領武庫武器守宮三署署各有令 初

學記曰案齊職儀云衛尉秦官也

蓋周禮宗伯官正之職尉者尉也言以羅

尉令主奸非

漢因之自王莽及後漢初並省至獻帝復置魏

晉宋齊因之五代史百官志云至梁加卿字曰衛尉卿
後代並因之 增文獻通考曰宋衛尉寺判寺事一人
以郎官以上充凡武庫武器並歸內庫及軍器庫以他
官及內侍典領守宮歸儀鸞司本寺無所掌卿少卿丞
皆為寄祿官元豐官制行置卿少卿丞主簿各一人卿

掌儀衛兵械甲冑之政令少卿為之貳丞參領之凡內外作坊輸納兵器則辨其名數驗其良窳以歸於武庫不如式者罰之時其曝涼而封籍其數若進御及頒給則按籍而出之每季委官檢視歲終上計帳於兵部掌凡幄帟之事大禮設帷宮張大次小次陳鹵簿儀仗長貳書夜巡徼察其不如儀者押仗官則前期稟差凡仗衛供羽儀節鉞金鼓棨戟朝會亦如之宴饗賓客供幕帟茵席視其敝者移少府軍器監修焉所隸官司十有

三中興後廢衛尉并入工部 續文獻通考曰遼之先

世未有城郭溝池宮室止因羶車為營硬寨為宮御帳

之官不得不謹出於貴戚為侍衛著帳為近侍北南部

族為護衛武臣為宿衛親軍為禁衛百官番宿為宿直

奉宸以司供御三班以肅朝會而硬寨則以嚴晨夜馬

金衛尉司

大安元年擬隆慶官人數定之

中衛尉掌總中宮事務副尉

左常侍掌周護道從儀仗之事右常侍常侍官護衛三

十人奉引八十人執旗二人元世祖至元二十年立衛

尉院改軍器監為武備監隸衛尉院二十四年罷院立太僕寺遂不置明凡供奉儀仗導從諸務俱屬錦衣衛不設此官

衛尉卿二

原漢官解詁曰衛尉主宮闕之內衛士於周垣下為廬各有員部凡居宮中者皆施籍於掖門案其姓名若有醫巫僦人當入者本官長吏為之封啟傳審其印信然後內之人未定又有籍皆復有符符用木長二寸以當

所屬官兩字為鐵印亦太卿炙符當出入者案籍畢復
齒符識其物色乃引內之也其有官位得出入者令執
御之官傳呼前後以相通從昏至晨分部行夜夜有行
者輒前曰誰誰若此不解終歲更始所以重慎宿衛也
東觀漢記曰光武二十三年太尉鮑昱兼衛尉永元
二年司徒丁鴻兼衛尉魏志曰辛毗為衛尉清平與
徐邈胡質皆憂國忘私不營產業賜穀二千斛錢三十
萬布告天下又曰田豫為并州刺史徵為衛尉屢乞

遜位司馬宣王以豫克壯書喻未聽豫書荅曰年過七十而以居位譬猶鐘鳴漏盡夜行不休是罪人也遂引疾拜太中大夫 晉書曰石崇拜衛尉與潘岳諂事賈謐與之親善號二十四友廣成君每出崇降車路左望塵而拜其卑佞如此 沈約宋書曰南郡王義宣子恢為侍中領衛尉晉氏過江不置衛尉世祖欲重城禁故復置衛尉自恢始 增冊府元龜曰梁蕭範為衛尉夜中行城常因風便鞭箠宿衛欲令帝知其勤及姪修在

職夜必再巡而不欲人知或問其故曰夜中警違實有其勞主上慈愛聞之容或賜止違詔則不可奉詔則廢事且胡質之清尚畏人知此職司之常何足自顯聞者歎服 又曰唐殷侑文宗初為衛尉卿會滄鎮不定兵久未解詔令五品已上都省集議時宰臣方務翦除賊寇莫敢異議獨侑抗疏其略云伏願以宗社安危為大計以善師攻心為神武以含垢安人為遠圖以漏網吞舟為至德帝雖不納深所嘉歎

衛尉卿三

原千列八屯

班固西都賦曰周廬千列徼道綺錯張衡西京賦曰衛尉八屯警夜巡晝徼

道外周千

周廬

夾道

漢官解詁曰衛尉掌宮闕周廬殿屯陳夾道當兵交戟胡

廣注曰宮闕之內周廬殿各陳屯交兵士以示威武交戟以遮妄出入者

周衛

巡警

漢武

帝柏梁詩衛尉曰周衛交戟禁不時下見八屯注

交戟

屯兵

並詳周廬注

嚴

衛

列卿

增廢職

棄官

上見後揚雄箴山堂肆考唐中宗神龍中以楊玄

琰為衛尉卿先是玄琰知武三思寢用請棄官為僧上不許敬暉聞而笑之玄琰曰功成名遂不退將危此由

衷之請非徒然也及暉等得罪玄琰獨免

原祿賜親戚

身無愛惜

吳志曰嚴

峻常為孫權立吳及稱尊號峻為衛尉祿賜皆散之親戚知故家常不充續漢書曰陰興為衛尉每將遠征

身行勞問無所愛惜

官尊九寺

職重八屯

西京賦

增石崇卑

佞

鉅期諫諍

上詳卿二拜衛尉卿期重

後漢書曰鉅期潁川人也於忠義憂國憂主其有

不得於心必犯顏諫諍

原入清近之地

居警巡之司

白帖

衛尉卿四

原衛尉屬官

漢書百官公卿表曰衛尉屬官有公車司馬衛士旅賁三令丞衛士三丞又諸屯衛

候司馬二十二官皆屬焉

衛尉所掌

又曰衛尉掌宮門衛士屯兵公車令北宮衛士左右都候

宮掖門司馬皆屬焉

典宿衛

東觀漢記曰趙熹為衛尉性周密盡心事上內典宿衛夙夜匪懈恩

寵甚厚母沒乞身行服帝不許

奉宿衛

又曰竇固字孟孫為衛尉奉兩宮宿衛而見重當世恭謹

下士賑施宗族甚有名稱

趙孝篤行欲寵異之

華嶠漢書曰趙孝字長平拜長樂衛

尉復徵弟禮為御史中丞禮亦恭謙行已類於孝帝嘉其兄弟篤行欲寵異之詔禮十日一就衛尉府大官送供具令共相對盡歡數年禮終帝令孝從官屬送喪歸葬天下榮之

馬光周密特親愛

之後漢書曰馬光為衛尉小心周密喪母過哀帝以是特親愛之

增金敞雖帝亦難

冊府元龜曰漢金敞為衛尉為人正直敢犯顏色左右憚之雖帝亦難焉

馮石為帝所寵

又曰後漢馮石為衛尉能取悅當世為安帝所寵

原辛毗以清平聞

詳卿二

裴楷以才行轉

晉起居注河南尹裴楷才行清茂轉衛尉也

衛尉卿五

原箴漢揚雄衛尉箴曰茫茫上天崇高其居設置山險
畫為防禦重垠累垓以難不律闕為城衛以待暴卒國
以有固人以有內各保其守永攸不敗維昔庶僚官得
其人荷戈而歌中外以堅齊桓怵惕宿衛不勅門非其
人戶廢其職曹子剽劍遂成其詐軻挾匕首而衛人不
寤二世妄宿敗於望夷閭樂矯詔戟者不推尉臣司衛
敢告執維

原碑漢孔融衛尉張儉碑銘曰其先張仲實以孝友左
右周室晉主夏盟而張老延君譽於四方君稟乾綱之
正性蹈高世之殊軌冰潔淵清介然特立雖史魚之勵
操叔向之正色未足比焉中常侍同郡侯覽專權王命
豺虎肆虐威震天下君以西都督郵上覽禍亂凶國之
罪鞠沒賊姦以巨萬計俄而制書按驗部黨君為覽所
陷亦章名捕逐當世英雄授命殞身以籍濟君厄者蓋
數十人故克免斯艱旋宅舊宇衆庶懷其德王公慕其

聲州宰爭命辟大將軍幕府公車特就家拜少府皆不就也復以衛尉徵明詔嚴切勅州郡乃不得已而就之銘曰桓桓我君應天淑靈皓素其質允迪忠貞肆志直道進不為榮赴戟驕臣發如震霆凌剛摧堅視危如寧

衛尉卿官屬

丞主簿

武庫署

武器署

守宮署

左右都候

原杜氏通典曰衛尉丞秦漢多以博士議郎為之後漢一人魏晉並同宋孝武增置一人梁亦有之後魏北齊並有隋因之唐置二人增文獻通考曰宋一人原

杜氏通典曰主簿一人漢衛尉駕四馬主簿前車以乘

晉有衛尉主簿二人宋齊梁陳因之北齊隋亦有二人

唐因之 增文獻通考曰宋主簿一人 原杜氏通典

曰武庫署令丞於周官司甲司弓矢等下大夫司戈盾

等中士下士蓋其任也兩漢曰武庫令屬執金吾後漢

又有考工令丞屬太僕主造兵器成付武庫令晉魏因

之晉後屬衛尉宋齊武庫令丞屬尚書庫部梁陳屬衛

尉卿北齊亦有後周如周官隋如北齊唐因之各一人

天寶六載四月勅改儀制令廟社門宮門每門各二十
戟東宮每門各十八戟一品門十六戟嗣王郡王若上
柱國帶職事二品散官光祿大夫以上鎮國大將軍以
上各同職事品及京兆河南太原府大都督大都護門
十四戟上柱國帶職事三品上護軍帶職事二品若中
都督上都護門十二戟國公及上護軍帶職事三品若
下都督諸州門各十戟並官給貞元五年十二月中書
門下奏應請列戟官準儀制令正一品開府儀同三司

嗣王郡王并勲官上柱國柱國等帶職事三品以上並
許列戟準天寶六載四月勅文加散官光祿大夫鎮國
大將軍以上各同職事品近日散試官便帶高階者衆
恐須商量者伏請準舊制令本文取帶三品以上正員
職事為定勅旨依 原杜氏通典曰武器署令丞隋行
臺尚書省有武器監令唐永徽中始置各一人掌祭祀
及朝會巡幸及公卿婚葬鹵簿之事 增文獻通考曰
宋武庫武器並歸內庫及軍器庫以他官及內侍典領

軍器凡四庫勾當官並二人衣甲弓槍弩劍三庫悉以諸司使副及內侍充什物庫以三班使臣充掌禁兵器鎧甲供軍什器儲待之物辨其出納 原杜氏通典曰守宮署漢有守宮令丞掌御紙筆墨及諸財用并封泥之事屬少府晉及北齊屬光祿勳北齊守宮令掌張設之事梁陳屬大匠卿隋屬衛尉寺唐置令一人掌諸鋪設帳幕氍毹牀薦几席之事

廣德二年二月勅文京兆府諸司諸使幕士丁匠總

八萬四千五百人數內宜月支二千九百四十四人仍令河東關內諸州府據戶口分配不得偏出京兆府餘

八萬一千一百一十四人並停

增文獻通考曰宋守宮署歸儀鸞司

儀鸞司勾當官四人以諸司使副及內侍充掌奉乘輿

親祀郊廟朝會巡幸宴饗及內庭供帳之事凡三庫一

曰金銀器皿帝幕什物二曰香燭三曰檀油牀椅鐵器

雜物監門二人以三班使臣充原杜氏通典曰左右

都候周禮司寤氏有夜士千寶注曰今都候之屬後漢

各一人主劔戟士徼循宮及天子有所收考

宮中諸有奏劾罪左

都候執戟戲車縛送付詔獄在宮大小各付所屬見尚書令僕射尚書皆執板拜見郎對揖

屬衛尉

後無

公車令一

原杜氏通典曰公車司馬令周官秦屬衛尉漢因之掌
殿司馬門夜徼宮中天下上章四方貢獻及闕下凡所
徵召公車者皆總領之後漢有丞一人丞選曉諱掌知
非法尉主闕門兵禁戒非常晉江左以來直曰公車令
宋以後屬侍中隋有公車署置令丞唐無

公車令二

原衛尉屬官有公車令

漢書百官公卿表曰衛尉屬官有公車司馬令丞各一人

銅印墨綬冠集賢冠

晉百官表注曰公車司馬令一人周官也銅印墨綬絳服冠集賢一

梁冠官品第七

領徵召

詳通典

掌闕門

續漢書百官志曰公車司

馬令一人秩六百石

釋之劾奏不敬

漢書曰張釋之為公車令頃之

掌宮南闕門之事

太子與梁孝王共車入朝不下司馬門於是釋之追止

太子梁王毋入殿門遂劾不下公門不敬奏之薄太后

聞之文帝免冠謝曰教兒子不謹薄太后使使承詔赦

太子梁王然後得入文帝由是奇釋之拜為中大夫

周乘不畏強禦

周乘字子車召為公車令不畏強禦以見惡幸臣拜交州刺史也

光祿卿一

少卿併載

原杜氏通典曰秦有郎中令

主郎內諸官故曰郎中令

掌宮殿掖門

戶有丞漢因之至武帝太初元年更名光祿勳

王莽改光祿勳

為司中後漢曰光祿勳所掌同典三署郎更直執戟宿衛

考其德行而進退之

漢東京三署郎有德應四科者歲舉茂才二人德行二人及三署郎

罷省光祿勳猶依舊舉四行衣冠子弟以充之

郊祀之事掌三獻光祿勳居禁

中

如宋之殿中御史有獄在殿門外謂之光祿外部兩漢自光

祿大中中散諫議等大夫及謁者僕射羽林郎郎中侍

郎五官武賁左右等中郎將奉車駙馬二都尉車戶騎

三將

如淳曰主車曰車郎主戶衛曰戶郎

並屬光祿勳建安末復改光祿

勳為郎中令魏黃初元年復為光祿勳東晉哀帝興寧

二年省光祿勳并司徒孝武寧康元年復置自魏晉以

後無復三署郎而光祿不復居禁中唯外官朝會則以

名到焉二臺奏劾則符光祿加禁止解禁止亦如之

禁入

殿省光祿主殿門故也

其宮殿門戶至宋文猶屬焉梁除勳字謂

之光祿卿卿舊視列曹尚書天監中視中庶子職與漢

同後魏又置少卿北齊曰光祿寺置卿少卿兼掌諸膳

食帳幕隋文帝開皇三年廢光祿寺入司農十二年復

置初有卿及少卿各一人煬帝加置二少卿

雖取漢代舊名而其

職則別

唐龍朔二年改光祿寺為司宰寺咸亨初復舊光

宅元年為司膳卿神龍初復舊卿一人掌終獻行事少

卿二人領太官珍羞良醖掌醢等四署署各有令丞

初學記曰案光祿卿漢官也齊職儀云初秦置郎中令

掌宮殿掖門戶及主諸郎之在殿中侍衛故曰郎中令

漢官儀曰郎中令屬官有五官中郎將左右中郎將曰
三署署中各有中郎議郎侍郎郎中皆無屬外多至千

人主執戟衛宮陞及諸虎賁郎羽林郎皆屬焉謂之郎中令者言領諸郎而為之令長

漢因之至

武帝更名光祿勳

應劭曰光明也祿爵也勳功也言光祿典郎謁者虎賁羽林舉不失德賞

不失勞故曰光祿勳應劭鄭玄並曰勳猶閭也今光祿勳則古閭之職

後漢獻帝又為郎

中令魏文又為光祿勳後世因之五代史百官志云至

梁加卿字曰光祿卿除勳字後代因之北齊兼掌餼膳隋則全掌餼膳不復掌宮殿門唐初因之 增文獻通

考曰宋光祿寺判寺事一人以朝官以上充古者其屬有太官珍羞良醖掌醢四局今分隸御廚法酒庫古者

祭祀則省牲饌濯漑三公攝祭為終獻今並以他官攝本寺但掌供祠祭酒醴果實醢醢菹薪炭及點饌進胙之事卿少卿丞為寄祿官元豐官制行置卿少卿丞主簿各一人元祐三年詔長貳互置政和六年監察御史王桓等言祭祀牲牢之具掌於光祿而寺官未嘗臨視請大祠以長貳朔祭及中祠以丞簿監視宰割禮畢頒胙有故及小祠聽以其屬攝從之中興後廢光祿并入禮部續文獻通考曰遼南面初設光祿寺後以太宗

諱改崇祿寺其官曰卿少卿丞主簿金燕饗御膳之事
皆掌於宣徽院而光祿寺不設元光祿寺隸宣徽院掌
起運米麴諸事領尚飲尚醞局沿路酒坊各路布種事
延祐七年定置卿四員少卿二員丞二員主事二員明
置光祿寺卿一人少卿二人寺正二人其屬典簿二人
錄事一人大官珍羞良醞掌醢四署各置正二人署丞
四人監事四人司牲局司牧局各大使一人吏二十五
人卿掌祭享宴勞酒醴膳羞之事辨其名數會其出入

量其豐約以聽於禮部少卿寺丞為之貳凡祭祀請省
牲進飲福酒昨凡薦新移太常寺凡喪葬供其祭物凡
牲果菜雜物取之上林苑不給市諸民視時估十加一
凡市直季支天財庫錢鈔凡貢獻果鮮厨料省受之凡
器皿移工部及幕工兼作之歲省其成敗凡筵宴酒飯
番夷貢使降人茶飯物料下程差其等而供之凡厨役
久得為王典膳移吏部凡傳奉宣索籍記覆奏之監以
科道官各一人察其出入而糾禁其奸弊

光祿卿二

原首九列 總三署

庾冰集用樂謨詔草曰光祿九卿列首且職典吏署 續漢書曰杜

林字伯山為光祿卿內奉宿衛外總三署周密敬慎選舉稱平

歎至德

薦名士

孟宗

別傳曰宗為光祿勳大會宗先少酒偶有強者飲一杯便吐傳詔司察宗吐黍飯察者以聞上乃歎息曰至德

清純如此

續漢書曰杜

入臥內

總從官

漢書曰周仁景

林選舉稱平數薦名士

帝時為郎中令為人陰重不洩常衣弊補衣溺袴期為不清潔以是得幸出入臥內於後宮祕戲仁常在旁終

無所言上時問人仁曰上自察之亦無所

辯棄甲

毀 柏梁詩光祿勳曰總領從官柏梁臺

問投蜺

魏志曰王肅字子雍為光祿勳時有一魚長尺集武庫之屋有司以為吉祥肅辯之曰魚生於

泉而見於屋介鱗之物失其所也邊將其殆有棄甲之變乎其後果有東關之敗謝承後漢書曰楊賜字伯欽拜光祿勳位特進又嘉德殿前有青赤氣詔特進遣中使問賜祥異禍福吉凶所在以賜博學碩儒故密諮問宜極陳其意賜上疏陳請案春秋識天投蜺海內亂今妄嬖閹尹共專國朝之所致也

宣王拜

林景帝門衰

魏志曰常林徙光祿勳太常晉宣王以林鄉邑耆德每為之拜或謂林曰司馬

公貴重君宜且止之林曰司馬公自欲敦長幼之序以為後生之法貴非我之所畏也言者慙而躊躇而退又曰鄭衰為光祿勳母丘儉作亂景帝自征之百官祖送時衰疾不在會上謂王肅唯不見鄭光祿為恨衰聞自輿追上上笑曰固知生必來也遂與同載問以計謀帝甚重之

安世撻奴

曜卿

賜穀

漢書曰張安世字孺子為光祿勳郎有醉小便殿上主事白行法安世曰何以知其不覆漿水邪郎

有淫官婢婢兄自言安世曰奴以恚怒誣汚衣冠告署
撻奴其隱人過皆此類也 魏志曰袁渙字曜卿為郎

中令時言劉備死君臣皆賀渙以嘗為備吏獨不賀卒
於官太祖為之流涕賜穀二千石太倉穀千斛賜郎中

令家垣下穀千斛與曜卿
家上言官法下言親故

增異政被徵 忠言見采

山堂肆考曰東漢劉昆初為江陵令縣有火災昆向叩
頭多降雨止風後為弘農太守虎皆負子渡河光武聞

之異之徵為光祿勳帝問昆曰前在江陵反風滅火後
守弘農虎北渡河行何德政而致是乎昆對曰偶然耳

帝歎曰此長者之言也顧命書諸策 東漢桓帝時封
賞踰制內寵猥盛光祿勳陳蕃上疏言之帝采其言出

宮女五百餘人封
侯者降為鄉侯

輕財好義 修己守道

又曰漢楊
惲為光祿

勳惲輕財好義殿中稱其公平然伐其能好發人陰伏
由是多怨卒免為庶人 晉成帝時顏含為光祿勳郭

璞常欲為之筮舍曰年在天位在人修己而天不與者命也守道而人不知者性也自有性命無勞著龜

石建忠言 陳蕃上疏

史記曰漢建元二年郎中令王臧以文學獲罪皇太后以為儒

者文多質少以石建為郎中令事有可言屏人忠言極切至廷見如不能言者是以上乃親尊禮之 下詳前

原宿衛宮省

居守京師

東觀漢記曰馬防字公平為光祿勳宿衛宮省上數

幸防府賞賜飲食

續漢書曰李通字次元為光祿勳

帝每征討四方常令通居守京師鎮撫百姓修宮室起

學 增延之儉約 孟宗清純 冊府元龜曰晉顏延之為光祿勳居身儉約不

營財利布衣蔬食獨酌郊

野旁若無人 下詳前注

子橫觥觥

伯春恂恂

後漢

書曰郭憲字子橫為光祿勳時匈奴數犯塞帝患之乃召百僚廷議憲以為天下疲敝不宜動衆諫諍不合乃

伏地稱眩瞽不復言帝令兩郎扶下殿憲亦不拜帝曰
常聞關東觥觥郭子橫竟不虛也憲遂以病辭退卒於
家鄉里諺曰鄉
里恂恂邵伯春

石建奏事謹慎 魯恭選舉清平

漢書石奮傳曰石建為郎中令奏事下建讀之驚恐曰
書馬者與尾為五今乃四不足一獲譴死矣其為謹慎
他皆如是續漢書曰魯恭遷光祿
勲選舉清平京師貴戚莫能枉其正

光祿卿三

原張湛正諫

續漢書曰張湛字子孝拜光祿勲光武臨
朝或有情容湛輒諫其失常乘白馬帝每

見湛輒言白馬
生且復見矣

誘進好學

又曰杜林為光祿勲郎有
好學者輒見誘進朝夕滿

堂士以是高
而慕附之

時亮天工

傳玄太常趙喜咨進贊
曰時亮天工四門順軌

陳

蕃切諫

東觀漢記曰陳蕃為光祿勳上疏切諫曰鄙諺曰盜不過五女門以女能貧家也今後宮之女

數千食肉衣綺豈不貧乎

增袁彭清潔

冊府元龜曰袁彭為光祿勳行至清為吏粗袍糲食

終於議郎尚書胡廣等追表其有清潔之美比前朝貢禹第五倫求蒙顯贈當時皆嗟歎之

以清

廉稱

東觀漢記曰孫湛為光祿勳以清廉見稱與周澤相類

周澤清廉

冊府元龜曰後

漢周澤為光祿勳清廉果於從政

原以明經拜

後漢劉昆以明經徵拜為光祿勳

三日拜司空

後漢書曰荀爽為光祿勳視事三日進拜司空

增顏含不識降

禮

冊府元龜曰晉顏含為光祿於時論者以王導帝之師傳名位隆重百僚宜為降禮太常馮懷以問於含

含曰王公雖重禮無偏敬降之言或是諸君事宜鄙人老矣不識時務既而告人曰吾聞伐國不問仁人向馮

祖思問佞於我
我有邪德乎

選置惟允

庾冰集晉樂謨詔曰光祿
典吏署選置惟允其以前

散騎常侍謨
為光祿勳也

文辭粲然

臧榮緒晉書曰應詹字思遠
遷光祿卿諷議於時優游文

籍受人好士
文辭粲然

應詹無所明

晉書中興南頓應錄曰王
敦徙應詹為光祿詹以敦

專制自樹故優游諷
詠一無所標明也

即日為護軍

王隱晉書應詹傳
曰詹遷光祿勳王

敦作逆帝問如何答曰陛下宜奮赫斯之威臣等負戈
前驅願不俟命以討逆社稷之計也即日以詹為護軍

鄭默不矜物

王隱晉書曰鄭默字思元轉光祿勳寬
中博愛謙虛溫謹不才地矜物事上

以禮遇下以和雖僮豎
廝養之人皆遇之以恩

曜卿不得擅竒

南史曰王惠
字令明宋國

初建當置郎中令武帝難其人謂傅亮曰今用郎中令
不可減袁曜卿也既而曰吾得其人矣曜卿不得獨擅

其奇乃以
惠居之

屏風屈曲

冊府元龜曰宋王遠為光祿勳世為之語曰王遠如屏風屈曲

從俗能
蔽風露

紫禁滄洲

明農丈人集曰張元易於光祿署中種竹甚蕃黎惟敬祕書題曰紫

禁滄

有功藝苑

明詩小傳曰馮惟訥嘉靖中歷官藩伯以病請老特進光祿寺卿予致仕

惟訥仕官三十年圖書詩卷外無長物撰漢魏六朝詩紀自上古以迄陳隋網羅放失殊有功於藝苑

光祿卿四

增詩唐蘇頲送光祿姚卿還都詩曰漢室有英台荀家

多寵才九卿朝已入三子暮同來不授綸為草還司鼎

用梅兩京王者宅駟馬日應迴
羅隱送光祿崔卿赴

關詩曰十年目斷望西轅此日殷懃聖主恩上國已留
虞寄命中朝應聽范汪言官從府幕歸卿寺路向干戈
見禁門鵷侶寂寥曹署冷更堪嗚咽問田園

增制唐蘇頲行房光義光祿卿制曰上卿之貴爰因德
選終獻之禮必由才致上柱國房光義門承冑緒地聯
姻戚雅容端操惟玉有溫擇行踐言復圭無玷頃祗班
序尤稱望實蘭猗趨職以仗於誰何柏梁賦詩俾聞於
總領

原歲漢揚雄光祿勲歲曰經兆宮室畫為中外廊殿門
闔限以禁界國有周衛民有藩籬各有攸保守以不岐
昔在夏殷桀紂淫湎特牛之飲門戶荒亂郎雖執戟謁
者參差殿中成市或室內鼓鼙忘其廊廟而聚夫逋逃
四方多罪載號載呶內不可不省外不可不清德人立
朝義士充庭祿臣司光敢告執經 增明宣宗光祿寺
箴曰周官善庖實肇光祿漢列九卿唐總四屬國朝建
置率循勿易享祀賓燕咸其所職先王之禮豐儉有宜

惟敬惟誠儀式行之衆盛必備犧牲必潔執事有恪儼
乎對越羣賢在朝四裔會同廩之餽之必精必豐朝夕
膳羞必謹恒度毋儉公費而縱私軀毋騁奢侈毋肆暴
殄毋作愆過以蹈常典正己率下咸敬慎之用永終譽
光我訓辭

光祿卿官屬

丞主簿
良醞署掌醞署
珍羞署

原杜氏通典曰光祿丞漢二人多以博士議郎為之後
漢一人魏晉因之銅印黃綬梁陳視員外郎

其員外說
在通直散

騎常侍郎中後魏北齊並有之隋有三人唐置二人 增文

獻通考曰宋元豐官制行置丞一人 續文獻通考曰

元丞二員明寺正二人從六品隆慶四年正月吏部覆戶科楊鎔奏請以舉人

出身知縣教官廉能素著者入補光祿寺署正而間以例貢參之優其超擢或徑於聽選舉人中除補從之

原杜氏通典曰主簿漢置晉宋齊梁陳並有之北齊

曰功曹五官主簿隋二人唐因之 增文獻通考曰宋

置一人 續文獻通考曰遼亦有元主事二員明置典

籍二人 原杜氏通典曰珍羞署令丞於周官有籩人

掌四邊之實蓋其任也後漢少府屬官有甘丞主膳具
晉太官令有錫官果官吏各二人自後無聞北齊隋藏
令屬光祿寺後周有餽藏中士下士隋如北齊唐因之
長安中改為珍羞神龍初復舊開元初又改之有令丞
各一人增文獻通考曰宋珍羞署隸御廚有供備庫

太平興國二年
改為內物料庫

有使及副使掌供尚食及內外膳羞米

麪飴蜜棗豆百品之料監官二人以三班及內侍充監
門一人以三班充外物料庫掌給皇城外諸宮院油鹽

米麪之品監官二人以三班內侍充 續文獻通考曰

元世祖至元十三年始立尚珍署後罷入有司二十五
年復置掌收濟寧等處田土子粒以供酒材設達魯花
赤一員令一員丞一員吏目一人明珍羞署署正二人
丞四人供宮膳茶飯之事 原杜氏通典曰良醞署令
丞於周官酒正中士下士掌酒之政令後漢湯官丞主
酒屬少府晉有酒丞一人齊食官局有酒吏梁曰酒庫
丞北齊有清漳令丞主酒後周如古周之制隋曰良醞

署令丞各一人唐因之 增文獻通考曰宋良醞署屬
御廚有內酒坊使掌造法糯酒常料之三等酒以供邦
國之用監官三人監門二人以三班內侍充都麴院掌
造麴以給內酒坊之用及出鬻而收其直監官二人以
京朝官及諸司使副內侍充法酒庫掌造供御及祠祭
周太祖平河中得酒工王思 凡祭祀共五齊三酒以實
善造法麴因立法酒庫置之 樽罍監官二人以朝臣及三班使臣內侍充 續文獻
通考曰元良醞署中統四年立御酒庫設金符宣差至

元十一年始設提點十六年改尚醞局掌醞造諸王百

官酒醴提點一人大使一人副使二人直長一人有大

都上都二局上都少副使一人品秩同

珍羞尚飲醴源良醞舊本光祿

所屬元與光祿並隸宣徽

明良醞署署正二人丞四人供獻殿宮膳

均給內外官人夷匠之事

原杜氏通典曰掌醞署令

丞於周官有醢人掌四豆之實自後無聞至齊諸公府

有釀食典軍二人後周有掌醢中士下士隋曰掌醢署

令丞各一人唐因之

增文獻通考曰宋屬御廚有油

醋庫監官一人以京朝官充掌造油醢戠以供邦國膳羞內外之用 續文獻通考曰明掌醢署署正二人丞四人供祭祀茶飯齋禱之事

太官令一

原杜氏通典曰太官署令丞於周官為膳夫庖人外饗中士下士蓋其任也秦為太官令丞屬少府兩漢因之桓帝延熙元年使太官令得補二千石魏亦屬少府晉屬光祿勳宋齊屬侍中梁門下省領太官陳因之後魏

分太官為尚食中尚食知御膳隸門下省而太官掌百
官之饌屬光祿卿北齊因之後周有典庖中士內膳中
士隋如北齊唐因之各一人 增文獻通考曰宋隸御
廚勾當官五人以朝官并諸司使副內侍都知押班充
掌供御之膳羞及內外饗餼割烹煎和素膳之事元祐
初罷太官令二年復置崇寧二年置尚食局太官令惟
掌祠事 續文獻通考曰明太官署署正二人丞四人
供祭祀宮膳節筵給夷濟貧之事

太官令二

原司王饗

掌御膳

揚雄太官箴曰時惟膳夫實主王饗續漢書百官志曰太官令一

人掌御飲食

掌六清之飲

正百官之羞

應劭漢書百卿公卿表注太官

令職在典邦王饗掌六清之飲陳八珍之饌慎口實之御防有敗之奸又曰太官令職在正百品之羞納四

棐之貢

太官令三

原少府屬官有太官令

漢書百官公卿表曰少府屬官有太官令主膳食導官令太官

之別主酒

秩六百石

漢官儀曰太官令一人秩六百石掌鼎俎饌具

著兩梁冠

又曰尚書陳忠奏太官宜著兩梁冠也

謁者皆緹幘單衣

又曰太官謁者皆緹幘大

冠白絹

奴婢皆緹縹蔽膝

漢舊儀曰太官湯官奴婢各三千人置酒皆緹縹蔽

單衣

膝上食用

職在鼎俎不陳階位

應劭注漢官儀百官表曰太官云云

黃金口噐

職役斯碎非文雅使

蔡邕書曰太官令職役斯碎非文雅所使

爐炭赤紅

而髮不絕

韓非子曰晉文公之時宰臣上炙而髮繞之文公召宰人而譙之宰人曰有死罪三援礪

砥刀利猶干將也切肉肉斷而髮不斷臣之罪一也援木而貫鬢而不見髮臣之罪二也奉爇爐炭火盡赤紅

而炙熟而髮不燒臣之罪三也堂下得無微有疾臣者乎公曰善乃召其堂下而譙之果然乃誅之

增

治吐炎而髮不銷

謝承後漢書曰魯國陳正叔為太官令時黃門郎宿與正叔有隙因進食

以髮貫炙中光武見髮勅斬正叔正叔曰臣有當死罪
三熾以爐炭增治吐炎焦爐爛肉而髮不銷臣罪一也
拔出佩刀砥礪五石虧肥截骨不能斷髮臣罪二也臣
與丞及庖人六目而視不如黃門兩目臣罪三也詔赦
之收黃門

時苗壽春令為太官

魏略曰時苗為壽春令遷太官令領中都中正定

九品之正也

張登在職勤為太官

魏志王朗集曰朗薦張登詔曰登忠義彰著在

職功勤名位雖卑直亮宜顯饗膳近任當得此吏今以登為太官令

增供膳食之事

六典

曰太官令供膳食之事丞為之貳凡祭之日則白卿詣廚省牲取明水於陰鑑取明火於陽燧帥宰人以鑾刀割牲取其毛血實之於豆遂烹牲焉又

賜爵南郡公

有帥進饌者實簋簠設於饌幕之內
後魏書曰毛循之能為南人飲食手自煎調多所適意
世祖親待之進太官尚書賜爵南郡公加冠將軍常在

太官主
進御膳


御定淵鑑類函卷九十二

謹案第十四頁前二行于定國為廷尉刊本廷訛
定據漢書改

第五十二頁前六行鄭默字思元刊本思元訛元
思據晉書改

第五十六頁前三行以三班內侍充都麴院刊本
麴訛麴據通典改





總校官庶吉士 臣 張能照

校對官庶吉士 臣 陳 壩

膳錄貢生 臣 張 健